

# *GOBANENG E ILE YA*

## *SWANELA GO BA MODIŠI*

Ke a thankā, mohuta wa moreri wa go tatollwa botelele.  
Gomme ntle le thuto, ke—ke a thankā ga ke kwagale kudu bjalo ka moreri go batho ba bangwe. Gomme ebile ga—ga ke tteleime go ba moreri, ke no ba mohuta wa thaere ya sephere. Eupša ke ikwela gore ke na le Molaetša go tšwa go Modimo, gore ka tsela ya ka (gore tsela e nnoši ke swanetšego go O hlagiša), ke leka go O neela go lefase. Gomme ge ke se ka dula le Molaetša wola, ke tla ba moeki go Modimo le moikaketši go lena. Motho yo a tla bolelago selo se tee le go dumela se sengwe, ke boikaketši. Ka mehla re swanetše go bolela therešo go tšwa pelong ya rena. Gore ge batho ba lebelela godimo ga rena, le ge ba sa dumelane le rena, re nyaka go ba banna le basadi ba go hlomphega: gore re bolela go tšwa pelong ya rena, seo e lego therešo ka dipelong tša rena.

2 Ngwaga wa go feta, goba ngwaga pele ga wa go feta, ke bile le monyetla wa go bolela mo—mo Mokriste . . . goba ntshwareleng, molaetša wa Krisemose, mo ka Ramada. Gomme ke a dumela ke boletše ka thuto, e ka ba mo goba Phoenix, ka: *Gobaneng Bethlehem O Monnyane?* Gomme ke a dumela nako yeo e be e le mo, ngwaga wa go feta, ke boletše ka: *Re Bone Naledi Ya Gagwe Ka Bohlabela Gomme Re Tlide Go Mo Rapela*.

3 Gomme, le a tseba, re bala Beibele, gomme re a makala, tsela “*Digobaneng?*” Gomme bošegong bjo ke naganne, ge le ka nkgotlelela nakwana, le go rapela le nna, ke tla leka go le fa molaetša wa ka wa Krisemose. Modimo feela o tseba moo re tla bago Krisemose ye e latelago, ge go na le Krisemose ye e latelago ka morago ga ye. Kafao ka gore ye e ka no ba Krisemose ya mafelelo re dutšego mmogo, go fihla re dutše tafoleng ye nngwe. Gomme E ka se be ye nngwe ya mohuta wo, eupša e tla ba ge re eja le go nwa selalelo ka boswa le Yena, ka go Mmušo wa Tate mo bofelong bja tsela. Gomme ka gona, a re e batameleng bošegong bjo mo o ka rego wo e be e le molaetša wa Krisemose wa mafelelo re ka tsoge ra dula mmogo ka gare, ka go botebo bja tlhokofalo.

4 Ke nyaka go bolela bošegong bjo ka thuto ya go se tlwaelege, eupša dinako tše dingwe le hwetša Modimo ka go selo sa go se tlwaelege. O dira dilo ka tsela ya go se tlwaelege. E sego tsela ya mehleng, ke tsela ya go se tlwaelege, dinako tša go se tlwaelege, mafelotiragalo a go se tlwaelege, Yena ga se a tlwaelega. Gomme ke nyaka ye . . . Morena ge a rata, ke nyaka go bolela ka thuto ya: *Gobaneng E Ile Ya Swanela Go Ba Modiši*.

<sup>5</sup> Gomme bjale feels pele re batamela Lentšu, leo ke dumelago gore ke Modimo, “Mathomong go be go le Lentšu, gomme Lentšu le be le le go Modimo, gomme Lentšu le be le le Modimo. Gomme Lentšu la dirwa nama gomme la dula magareng ga rena.”

<sup>6</sup> Bjalo ka ge ke boletše, beke ya go feta, goba beke pele ga ya go feta ka Phoenix, “Go netefaditšwe gore go ne balatedi ba lefase le, batho, ba feta go kgabola moago wo bjale.” Thelebišene e netefatša seo. E ka sekgaong se sengwe, mahlo a rena a tlhago le dikwi tša rena tše tlhano ga di kgone go topa seo godimo. Ga se mokgwa woo wa thelebišene o tšweletša eng kapa eng, e no ba dikanale. O ka se kgone go sepediša monwana wa gago, o ka se kgone go ponya leihlo la gago, eupša go netefaditšwe go a rekotwa neng le neng. Nka no ba ke eme . . . Goba monna ka Australia, o tla ba le se—se sekirini sa thelebišene mo, e sego seo feels eupša mo—mo monna o kgonne go bolela, go sepediša monwana wa gagwe, go ponya leihlo la gagwe, goba ebile le mmala wa diaparo tše a di aperego, o tla tšweletšwa mo lebotong; gomme yena a le ka Afrika, Australia, go dikologa lefase. Le a bona, go na le ntikodiko ya maphotho a ethere. Nka se kgone go e hlatholla, eupša ke a tseba e gona. Ga ke nagane e ka ba mang ka kgonthe a ka kgonago go e hlaloša. Kafao, thelebišene e ka kgonna go gogela se ka gare le go se dira kgonthe ka didirišwa tsoko, gore ba kgone go se bonagatša mo lebotong.

<sup>7</sup> Bjale, selo sela sa go swana se se se le fa ge Adama a be a le fa. Thelebišene e be e le fa ge—ge Eliya a dutše godimo ga Thaba ya Karamela. E be e le mo ge Martin Luther, moprista yo moswa yola, a be a fošetša selalelo lebatong gomme a re, “Ke senkgwa! Gomme baloki ba tla phela ka tumelo.” E be e le mo nako yeo, eupša bjale re no e hwetša. Gomme gape go bjalo, gore ka bogoneng bja rena bošegong bjo ke Modimo, Barongwa, diphedi tša ka godimo ga tlhago tše di sa bonwego ke sekwi sa rena sa tlhago. Eupša letšatši le lengwe e tla ba kgonthe feels bjalo ka ge thelebišene e le bjale, gomme feels go swana. Bjale, ke ka lebaka leo ke dumelago Lentšu.

<sup>8</sup> Jesu o rile, “Mang kapa mang a ka oketšago lentšu le tee go Beibele ye, goba a tsea Lentšu le tee go tšwa go Yona, karolo ya gagwe e tla ntšhwia go tšwa Pukung ya Bophelo.”

<sup>9</sup> Kafao, a re inamišeng dihlogo tša rena gona, pele ebile re E bala. Go ikeme kudu! Motho e ka ba ofe yoo a nago le maatla a sebele a ka kgonna go phetla morago letlakala, eupša ke Modimo feels a ka kgonago go Le utolla.

<sup>10</sup> Gomme ka dihlogo tša rena di inamišitšwe bjale go leba lerweleng moo re tšerwego, gomme letšatši le lengwe re tla boelago, ke a makala . . . Gomme ka go nakwana ye ya go ikgetha, ge re batamela Krisemosse, ge go na le ba bangwe mo ba ba ikwelago go hloka maswanedi gomme ba nyaka go gopolwa ka thapeleng ye, a o ka (ntle le go phagamiša hlogo ya gago) go

no phagamiša diatla tša gago go Modimo le go re, “Nkgopole, Morena, Krisemoseng ye”? Modimo a go šegofatše.

<sup>11</sup> Yo Mokgethwa kudu le wa Mogau Tate wa Legodimong, Ramaatlakamoka Modimo, Yo a bego a le gona go tloga mathomong, pele go eba naledi, goba athomo, goba molekule. O dirile dilo tšohle ka Jesu Kriste Morwa wa Gago, gomme o re file dilo tšohle ka go lokologa ka go Yena. Re a Go leboga, bošegong bjo, Morena, bakeng sa monyetla wo woo O re filego go kgobokana renabeng mmogo, go sebotšwa le go rutwa ke Moya wo Mokgethwa. Gomme Moya wo Mokgethwa o tsea Mantšu a Gago le go A utolla go rena, ka gore Jesu o rile, “Ge Yena Moya wa Therešo a tlie, O tla le eletša ka dilo tše tše o Ke di boletšego le go le laetša dilo tše di tlago.”

<sup>12</sup> Modimo, ga go yo motee magareng ga rena, ebile ga go yo motee godimo ga lefase, yo a nago le maswanedi go leka go hlatholla Lentšu la Gago, ka gore go ngwadilwe gore, “Lentšu la Modimo ga se la tlhathollo ya sephiri.” Kagona, Morena, re rapela gore Moya wo Mokgethwa o tla re fa bošegong bjo, yo mongwe le yo mongwe le yo mongwe, karolo ye re e hlokago go kgotsofatša tlala yeo e lego ka pelong ya rena bakeng sa mosepelo wa kgauswi le Wena. Ga re ba go se lekanele, go se hlweke, go se be le maswanedi. Anke Ngwana yo a tswetšwego ka Bethlehem, yo a phetšego bophelo bjo bo phethagetšego kudukudu, gomme o be a le monna wa go phethagala a nnoši godimo ga lefase, le go neela Yenamong tokollo gore A ke a re hlwekiše badiradibe ba go se hlweke le go re tliša go setswalle le Tate, efa bošegong bjo gore Moya wo Mokgethwa wa Gagwe (ka theroy Lentšu) o tla re direla seo.

<sup>13</sup> Morena Modimo, go na le ba bantši ba babjago ka nageng lehono, ka selebaneng sa sehlare se sekaonekaone kudu re kilego ra ba le sona, le sehlare se sekaonekaone le dipetlele tše kaonekaone. Gomme go le bjalo ka go ka moka diphihlelelo tša rena tše kgolo tša saense, go le bjalo go na le bolwetši bjo bontši go feta ka fao lefase le kilego la bo tseba, gobane go ne sebe se sentši le gosedumele go feta lefase le kilego la ke la tseba. Re thuše bošegong bjo, Ngaka ye Kgolo, le go fodiša balwetši bao ba lego magareng ga rena.

<sup>14</sup> Gomme re fe Moya, Moya wa therešo wa Krisemose. Ge lehono...gore ge ditirelo tša bohetene, mehlare ya Krisemose e be e rapelwa, dikanegelo tša nonwane tša mo—mo monna a bitšwago Santa Claus, le ka mebutla ya rena ya Paseka, le difešene tša go fapana tše lefase la kgwebo le di dirilego, anke le beeble ka thoko, Modimo. A re tsene ka go Kriste Lentšu, ka gore re le kgopetše ka Leina la Gagwe le bakeng sa letago la Gagwe. Amene.

<sup>15</sup> Ge le ka phetla le nna bakeng sa go bala ka go Lengwalo le Lekgethwa, Mokgethwa Luka, tema ya 2. A le kgona go nkwa gabotse?

A go neeletšano ka go digodišantšu? A le kgona go nkwa gabotse ka morago? Ge le kgona, phagamiša seatla sa gago. Ke a le leboga. Tema ya 2 ya Ebangedi go ya ka Mokgethwa Luka.

*Gomme go diregile ka matšatšing ao, gore go tšwile taelo go tšwa go Kesara Agostose, gore lefase lohle le tla lefišwa motšhelo.*

*(Gomme motšhelo wo la mathomo o dirilwe go tsebja... e be e le mmušiši wa Siria.)*

*Gomme bohle ba ile go lefišwa motšhelo, yo mongwe le yo mongwe go naga ya gagwe mong.*

*Gomme Josefa le yena o ile godimo go tšwa Galelia, go ya ka toropongkgolo ya Natsaretha, go ya ka Judea, ... toropokgolo ya Dafida, ye e bitšwago Bethlehem; (gobane o be a le wa ngwako le lešika la Dafida:)*

*Go lefišwa motšhelo le Maria mosadi wa gagwe yo a beeleditšwego, a imile kudu ka ngwana.*

*Gomme kafao go bile, gore, ge a be a le fale, matšatši a phethagatšo ya gagwe gore a belege.*

*Gomme a tliša pele morwa wa gagwe wa leitšibolo, gomme a mo potoka ka diaparo tša go potoka, gomme a mo robatša ka legopong; gobane go be go se sekgoba go bona ngwakong wa baeti.*

*Gomme go be go le ka nageng ye e swanago badiši ba ba dulago ka mašemong, ba hlokomela mehlape ya bona bošego.*

*Gomme, bonang, morongwa wa Morena o tlide godimo ga bona, le letago la Morena le phadimile go ba dikologa: gomme ba be ba tšhogile kudu.*

*Gomme morongwa o rile go bona, Se boifeng: gobane, bonang, Ke tliša... ditaba tše dibotse tša thabo ye kgolo, tše di tla bago go batho bohle.*

*Ka gore go lena go tswetšwe letšatšing le ka toropongkgolo ya Dafida Mophološi, e lego Kriste Morena.*

*Gomme le e tla ba leswao go lena; Le tla hwetša lesea le phuthetšwe ka diaparo tša go potoka, le robetše ka legopong.*

*Gomme ka pelapela go be go le... Gomme ka pelapela fao... le morongwa lešaba la... lešaba la legodimo le tumiša Modimo, le go re,*

*Letago go Modimo godimodimo, le mo lefaseng khutšo, kgahlišo bathong.*

*Gomme gwa tla go phethega, ge barongwa ba be ba tlogile go bona go ya legodimong, badiši ba boletše go bona seng A re yeng bjale ebile Bethlehem, gomme re*

*bone selo se se tlogo go phethega, se Morena a se dirilego go tsebja go rena.*

*Gomme ba tlie ka go itlhaganelo, gomme ba hweditše Maria, le Josefa, le lesea le robetše ka legopong.*

*Gomme ge ba le bone, ba dirile go tsebja ka bophara polelo ye e boletswego mabapi le ngwana.*

*Gomme bohole bao ba e kwelego ba maketše ka dilo tšela tše di boletswego ke badiši.*

*Eupša Maria o bolokile dilo tše tšohle, gomme a di eleletše ka pelong ya gagwe.*

*Gomme badiši ba boile, ba tumiša le go reta Modimo ka gobane dilo tšohle tše ba di kwelego le go di bona, bjalo ka ge go boletswe go bona.*

Anke Morena a oketše ditshegofatšo tša Gagwe go palo ya Lentšu la Gagwe.

<sup>16</sup> Bjale, ke . . . Gobaneng tiragalo ye kgolo ye e utollotše go badiši? Seo e tla ba mohuta wa selo sa go makatša go rena. Ke na le Mangwalo a mangwe a ngwadilwe mo, le dinoutse di se kae tše ke tla lekago go kitima godimo, go le hlalošetša *gobaneng* go bokaonekaone bja tsebo ya ka. Gomme mohlomongwe gona ka morago ga se, gore Morena ka mogau wa Gagwe, bosegong bjo, o tloša *digobaneng* go rena. Eupša a . . . Bontšintši bja rena bohole, ke a nagana, ka nako e tee goba ye nngwe, re maketše gore gobaneng tiragalo ye kgolokgolo ye ya dinako tšohle e utollotše go badiši. Gobaneng Le utollotše go badiši gomme e sego go baithutamodimo ba letšatši leo? Ba be ba le bona ba katišitšewgo go Le kwa. Gomme gobaneng Le tlie le go feta bahumi, le go tla go bahloki? Gape, gobaneng Le fetile ka thoko serutegi le mohlale, le go tla go baikokobetsi le go se rutege? Go ne dipotšišo di se kae tša *gobaneng* ka go ye.

<sup>17</sup> Gomme lebaka le lengwe nka re, hlokamelang, lesea le belegetše ka Bethlehem. E lego Bethlehem ka go tlathollo ya Bahebere, bjalo ka ge re bile le mengwaga ye mmalwa ya go feta fa, *Bethlehem* e ra “ntlo ya borotho bja Modimo.” Gomme re netefaditše ka Mangwalong, A ka se kgone go tla lefelo le lengwe le itšego. Bethlehem e thomilwe ke Rahaba le monna wa gagwe—wa gagwe. Rahaba e be e le seotswa seo mogeneral a se fereilego, go tšwa go—go dira tša Israele, ka morago ga ge ba tšere Jeriko. Gomme ka tumelo o dumetše Molaetša wa Modimo, ka seemong sa gagwe, gomme o pholositswe. Gomme go tloga fao, ge Joshua a arogantše dinaga tša moo yo mongwe le yo mongwe a tla bago, . . .

<sup>18</sup> Gomme go ne thuto ye kgolo yeo nako ye nngwe ke holofelago go kgona go e tliša ka Tucson, tša bomme bale ba Bahebere ba belega masea ale. Ge a tsetsela go bohloko bja pelego bja lesea, o biditše leina la lesea gomme leo le le beile maemong ka go naga

ya tshepišo, ke setšhaba. Selo se segolo, Lentšu la Modimo lohle le lekanel a thwi mmogo. Ge le sa swanele mmogo, ga se Lentšu la Modimo le le sa lekanelego, ke mogopolo wa gago ga o lekanele go Lentšu. Lohle le lekanel a mmogo.

<sup>19</sup> Kafao, gona, O be a le Borotho bja Bophelo, bjalo ka ge re rutile beke ya go feta ka Phoenix, goba beke pele ga ya go feta. Gomme go beng Borotho bja Bophelo, O be a ka se kgone go tla lefelo gape eupša “*ntlong ya borotho bja Modimo.*” Gomme leo e be e le *gobaneng*. Bjale, fa, Jesu o tswaletšwe ka Bethlehem, gomme ka Bethlehem go be go le sinagogue, baetapele ba bagolo ba bodumedi ba phetsé ka Bethlehem. Dafida kgošimodiši yo mogolo o tswaletšwe ka Bethlehem, tatagwe Isai o tswaletšwe ka Bethlehem, rakkolwagwe Obede o tswaletšwe ka Bethlehem. Gape, tsela yohle morago, o tlide go tšwa Bethlehem.

<sup>20</sup> Gomme fa, Jesu Morwa wa Dafida o tswaletšwe ka Bethlehem, thwi ka tlase ga meriti ya dikhathederale tše kgolo. Gona ge batho bale ba katišitšwe, gomme ba be ba lebeletše Mesia lebaka la mengwaga ye yohle; mengwaga ye dikete tše nne, Mesia o be a profetilwe go tla. Gomme ka gona ge Mesia a tswalwa ka morithing wa khathederale, gobaneng ba ile ba swanela go ya thwi morago godimo ka dithabeng go sehlopha sa ba go se rtege, badiša ba go se katišwe go tliša Molaetša wo mogolo, Molaetša wa pele? Gomme o laetše badiši! E sego bahlalefi le ba ba hlahlilwego, eupša badiši. Ke selo sa go se tlwaelege, a ga se sona? Eupša go swanetše go ba *gobaneng* felotsoko... Go na le *gobaneng*, bjale go swanetše go ba karabo gobaneng! Gomme ga go motho a tsebago karabo ge e se Modimo. Ke Yena yo a tsebago karabo.

<sup>21</sup> Bjale, elelwang, Mesia o be a šetše a le ka toropongkgolo, a tswetšwe ka toropongkgolo, ka setaleng; thwi hleng le dikhathederale tše kgolo moo moprista yo mogolo... le baprista ba bagolo, le baithutamodimo, le bahlalefi, le ba ba hlahlilwego, bohole ba bego ba le fao ba be ba letetše Mesia. Gomme O be a le fao, thwi ka magareng ga bona! Eupša gobaneng gona ba ile go... ntle mo dithabeng tša Judea go ba go se rtege, ba go se hlahlw, ba go itlhoph, badiididiidi ba bohole? Go lebegile o ka re motho wa go se lekanele kudu bakeng sa mošomo wo mobjalo, go utolla Molaetša le go ba romela ntle go tliša Molaetša.

<sup>22</sup> Le tseba kgopolo ya ka? Go ka no se be bontši kudu, eupša ke nyaka go fetiša kgopolo ya ka: Ke a dumela ke ka baka la bohlale bja Modimo, gore O tsebile ba ka se amogele Molaetša wo mobjalo ka tsela ye O tlilego. E be e se ka tatso ya go ithuta ga bona. E be e fapania. E be e se seo ba bego ba hlahlilwe go dumela gore O be a tla swana le sona. E be e le kgahlanong le kwešišo ya bona ya thutabomodimo. Go katišwa gohle ga bona, go ithuta gohle ga bona go ile gwa feta, gwa ba lefeela. Ke a dumela e be e le bohlale bja Modimo bjo bo tsebilego gore ba ka se amogele Molaetša wo mobjalo.

<sup>23</sup> Kafao Mesia o be a le mo, gomme go swanetše go ba yo mongwe a Le lemoga. Gomme O tsebile bao ba bego ba se ba hlakahlakana ka go dilo tše bjalo ka tše. O tla kgona kudu go iša molaetša wa Gagwe go sehlopha sa go se rutege, go feta ka mo A bego a tla ba go sehlopha sa go hlakahlakana se bego se beilwe ka ditseleng tša bona gore ga se gona se kgonnego go ba retolla, ebile le Lentšu la Modimo.

<sup>24</sup> Gomme bjale, mogwera Mokriste, anke ke botšiše potšišo ye, ka tlhokofalo yohle le lerato. Ke no makala ge eba O tla dira tiro ya go swana bošegong bjo, le go romela go rena ka go moloko wo Lentšu le le tshephišitšwego leo le tshephišitšwego go moloko wo, ke a makala ge eba baithutamodimo ba rena, le barutiši, le bahlale, ba ka se bušetše Molaetša tlase feela go swana le ge ba dirile nako yela? Motho ga a fetoge, le Lentšu la Modimo ga le fetoge. Ke Modimo wa go se fetoge, ga A fetoge!

<sup>25</sup> Hlokamelang, Barongwa ba etla le... Barongwa ba etla le go fa Molaetša wa bona go motho wa maemo a tlase bjalo, ge go be go le monna fale bontši (kgopolo ya lefase ya) a bilego le maswanedi go feta ba ba go šokiša, badiši ba go se rutege. Modisi o be a sa rutega kudu go e ka ba mang, o be a sa hloke go tseba selo eupša feela ka dinku tša gagwe. O be a sa hloke go tseba mmetse. O be a sa hloke go tseba mokgwa wa go—go phatlola athomo. O be a sa hloke pasari. O be a no swanela go tseba dinku tša gagwe, ke tšohle a bego a hloka go di tseba. Gomme Modimo, Bohlale bjo bogolo, le Mothopo le mothopo wa bohlale bjhohle, o tla kgetha motho yo bjalo ka yoo (batho, a ke re, bjalo ka bao), le go feta dirutegi tšohle tša go katišwa gabotse tše di katišitšwego go tseba Seo. E bolela selo se tee, gore ba be ba katišitšwe ka go tšhemu ya go fošagal. Go feta godimo bohle ba bohlokwa ba naga; go be go le batho ba bohlokwa, barutiši ba bagolo, Kayafa moprista yo mogolo, monna yo mongwe yo mogolo, bohle ba Israele ba ithutilego ka maatla, dikerekemaina tšohle, le baithutamodimo bohle ba go ikgogomoša, Modimo o fetile ka thoko ye nngwe le ye nngwe ya bona! Bjale, bjoo ke bohlale bja Modimo.

<sup>26</sup> Hokamelang, Magodimo a Godimodimo a potlakela go hlompha wa go kokobela kudu le go se rutege wa lefase. Wa Godimodimo wa Legodimo o tlide fase go itira Yenamong go tsebja go wa fasefase wa lefase, a feta bohle magareng go itira Yenamong go tsebja go badiši ba tlwaelo; go tla go fa badiši ba ba go tlwaelega Molaetša wo mogologolo go dinako tšohle. Go bile le batseta ba bantši ba bagolo. Re tla nagana ka letšatšing la Noage, le baprofeta, le—le baprista ba bagolo, le go ya pele, ba bile ka matšatšing a a fetilego. Monna yo mogolo wa go rutega, dikgoši, babuši, marena, eupša šo O tla le o mogologolo go Melaela yohle. Molaetša e be e le eng? “Mesia o mo bjale!” Le a bona? Gomme go dira seo go tsebja, O fetile ka thoko bohle ba ba katišitšwego, go e dira e tsebje go badiši ba go kokobela.

<sup>27</sup> Naganang ka yona: banna ba baruti bohole, banna bohole ba kereke, barutiši bohole, bohole ba—ba tlhahlo ya thutamodimo, tšhelete yohle e be e fedile, dikerekere tšohle, le dithuto, le dikerekemaina, tšohle di fetilwe! Gohle go ithuta mo ba go tšerego godimo ga baromiwa bohole—bole, le basokollwa bohole, boleloko bjhole, le se sengwe le se sengwe seo ba nagannego ba be ba se dirile tlhompho go Modimo, efela Molaetša wa sekgonyo wa tšohle tša ona o fetile go bona. Go a tlaba! Gobaneng? Le a bona?

<sup>28</sup> Gomme hlokamelang, e sego feela seo, eupša lefelo la go se swanele bakeng sa tiragalo ye bjalo. Badiši, bjale, e bile bona ba ba amogetšego Molaetša. Gomme bjale hlokamelang moo Molaetša o bego o le: ka go lefelo la go se swanele kudu gore e ka ba mang o tla O letela go tla. Gomme ke a makala, bosegong bjo, ge eba re be re lebeletše bakeng sa Molaetša wa therešo wa Morena Jesu, Ke a makala ge eba O tla ba ka go sehlopha sa go se swanele, lefelo leo le bileygo...gore le legolo, lefase la setšo sa godimo le kereke lehono ba tla nagana le be le le sehlopha sa—sa, oo, mahlanya? Ke a makala ge eba e ka se be moo re tla Mo hwetsago? Lefelo la go se swanele kudu, le go diboledi tša go se be le ditshwanelo kudu. Badiši ba be ba sa tsebe selo ka go bolela, feela ba bitša dinku; gabotse, mohlomongwe ke ka baka leo Le tlago.

<sup>29</sup> Eupsa fao go be go le Lentšu le le tshephišitšwego. Hlokamelang, le ka kgona go dira seo gape.

<sup>30</sup> Le fetile ka thoko bahlomphegi bohole ba naga. Le fetile ka thoko bahlomphegi bohole, gomme la utollwa go ba sego bomotho. Bahlomphegi bohole bao ba bego ba kgabisitšwe ka—ka bokgethwa bja ngaka ye kgolo le—le saekolotši, le—le dithuto tša godimo, le dikhathederale tše kgolo le dilo, tšohle di fetile ka thoko le go utollwa go e sego bomotho. Bohlale, bohlale bja go hloka magomo bja Ramaatlakamoka Modimo o bo dirile, go dira go tsebja go bona Molaetša wo mogologolo o kilego wa ba, “Mesia bjale o lefaseng.” A bohlale! Bo ka kgona feela go tšwa go Modimo yo a tsebago bohlale! Bohlale bjhole le go tseneng sekolo gohole, le se sengwe le se sengwe, bjale di beilwe go senyega le go fetwa ke bohlale bjo bogolo bja Modimo. Ke tšwelapele go bušeletša seo gobane ke nyaka se ye tlase botebong. Yohle e beilwe go senyega, e be e sa hole. O e fetile ka thoko yohle go dumelela bohlale bja Modimo go ba le tokelo ya tsela, gore Modimo o tšeа mafeela go dira tše dingwe.

<sup>31</sup> Re ka kgona go ema mo le go bolela ka Johane. Re ka kgona go ema le go bolela ka Eliya. Ga go yo a tsebago moo Eliya a tšwago gona. Tšohle ba di tsebago, o nno bonagala tiragalang. Baprofeta morago go kgabola mabaka, ba be ba se bomotho. Eupsa Modimo o tšere seo go...gomme o fetile ma—ma maitshwaro a kereke, le dithuto, go dira...go bontšha gore Yena ke Modimo. O tšeа se sengwe seo e sego selo, go dira se sengwe ka sona. O bontšha bohlale bja Gagwe le Bomodimohlogo bja

Gagwe ka go dira bjalo, gore O tšea mafeela. Ge la mathomo A dirile motho, O nno tšea kgwele ya letsopa gomme a dira motho go tšwa go yona. Moo go bego go se selo eupša letsopa, eupša O dirile motho. Gomme Modimo o tšea mafeela bjale, go dira tše dingwe ka ona. Gomme ge feela re nagana re se sengwe, gona re ka se kgone go šomišwa ka seatleng sa Modimo. Re swanetše go tlogela tšohle re kilego ra di tseba goba go ithuta. [Ngwanešu Branham o hlwekiša mogolo wa gagwe—Mor.] (Ntshwareleng.) Boka Mokgethwa Paulo yo mogolo, o rile o ile a swanela go lebala tšohle a kilego a ithuta tšona, gore a ke a tsebe Kriste.

<sup>32</sup> Go tsena sekolo gohle ga bona, dithuto tšohle tša bona le go ya pele, go be go šomela ntle go befabefi go bona. Mafelelong go Mo latotše! Gona go tsena sekolo goo ba bilego le gona *bakeng sa* Gagwe, go Mo dumela, a retologa go dikologa gomme a ba lenaba la Gagwe la go swaswalatša kudu, gomme a Mmapola!

<sup>33</sup> A le a tseba gore histori e ipušeletša yonamong nako le nako? Ke ntlha ya go bonagala. E ka kgona go direga gape thwi ka lehlakoreng la rena. “Oo,” o re, “Ge nkabe ke phetše nako yeo, . . .” Gabotse, bjale, ge o nyaka go tseba se o ka bego o se dirile nako yeo, lebelela seemo sa gago sa bjale; gomme o kgona go bona se o bego o tla se dira nako yeo, gobane ka kgonthe se a utolla.

<sup>34</sup> Ba katišitšwe go dumela Lentšu la Gagwe, gomme ka gona ge Lentšu la Gagwe le hlatselwa pele ga ona mahlo a bona, ba ganne Lentšu le le dirilwego go hlatselwa. Ge Modimo a netefaditše se A bego a tla se dira, le go bolela se A bego a tla se dirago, le go netefatša se A bego a tla se dira, ka gona ba retologile go dikologa le go bitša monna yo “moya wo mobe” (se se ba rogakilego bohle). Naganang ka se se diregilego! Naganang ka se se ba hlotšego; go katišwa ga bona go ba dirile go se lemoge lona Lentšu le dirilwe nama bakeng sa letšatši la bona; yona tlhahlo ye ba bilego le yona ka dikolong tša bona, le barutiši ba bakaonekaone kudu.

<sup>35</sup> Gomme o re, “Gabotse, re ka se dire seo lehono.” Barutiši ba bona ba be ba le godimodimo go bja rena lehono (ka godimo, a ke re, go barutiši ba rena), gomme ba šitilwe. Ba be ba se ne mekgatlo ye makgolosenyane le masomesenyane tshela ya go fapano bjalo ka ge re na le lehono. Ba bile le e ka ba ye meraro. Gomme ka go tše tharo, latela go theoga go tše tharo, gomme ga go le e tee ya tše tharo e O lemogilego! Go no ya go laetša gore se motho a se dirago ke bošilo go Modimo. Le a bona?

<sup>36</sup> Bjale, ba šitilwe go Le lemoga. Bjale . . . Gomme ba tla dira selo sa go swana gape.

<sup>37</sup> Motho . . . Maikemišetšo a lokile, ka mehla a lokile. Gomme motho ga a tsoge a fetola leemo la gagwe, ga a tsoge a fetola ditsela tša gagwe kudukudu; ke bolela ka motho wa lefase. Motho ka mehla o tumiša Modimo, motho wa bodumedi, go se A se dirilego, gomme ka mehla o šupetša batho go se A yago go se dira, gomme ka gona ba hlokomologa se A se dirago! Le a bona?

Yoo e no ba motho, o dirilwe ka tsela yeo, ka mehla o bile ka tsela yeo. Gomme lena babadi ba Beibele bošegong bjo le a tseba gore seo ke go ya ka Lentšu, “nnete.” Ka mehla ba tumiša Modimo bakeng sa se A se dirilego, ba bolela se A tla se dirago, gomme ba hlokomologa se A se dirago. Woo e no ba mokgwa wa motho.

<sup>38</sup> Lebaka le ba dirilego se, barutiši, go kgopolo ya ka bjale: ba be ba hlatholotše Lentšu, ka gore bohole ba be ba dumela go Mesia yo a tlago. Israele yohle e le dumetše, ba a dira le bjale lehono. Eupša lebaka leo ba sa *Mo* lemogago, Molaetša wa Gagwe o be o se go ya ka dinyakwa tša bona tša bodumedi. Ba . . . tlhathollo ya bona ye ba bilego le yona ya Lentšu, Mesia ga se a ke a iponagatša ka Boyena ka tsela ye ba hlathollotšego gore O tla e dira. Kafao, gomme kagona, ga se ba *Mo* lemoga gobane ga se Le swanele tlhathollo ya bona. Bjalo ka ge ke boletše pele, le go bolela gape, “Modimo ga a hloke e ka ba mang go hlatholla Lentšu la Gagwe. Yena ke mohlatholli wa Gagwe Mong.”

<sup>39</sup> Bjale, Beibele e re . . . A ke le netefaletšeng bjale gore yeo ke Therešo. Jesaya moprofeta, mengwaga ye makgološupa le lesometlhano pele se se direga, Jesaya moprofeta o rile, “Kgarebe e tla ima, gomme e tla belega ngwana.” Ga go pelaelo gore yo mongwe le yo mongwe ka go lebaka leo o naganne morwedi wa bona o tla ba mosadi yola, gobane Jesaya o e boletše. Eupša, le a bona, e bile mengwaga ye makgološupa moragorago. Eupša ge . . . Modimo o be a sa nyake e ka ba mang go hlatholla Lentšu la Gagwe, O tla e dira neng, goba O tla e dira bjang. O rile O tla e dira, gomme O e dirile!

<sup>40</sup> Modimo o tshepišitše gore O . . . godimo ka go Jesaya, gape, ke a dumela tema ya 28, e ka ba temana ya 18. Gomme gape ka go Joele 2:28, gore ka matšatšing a mafelelo, mengwaga ye dikete tše pedi ya mafelelo, O tla tšhollela ntle Moya wa Gagwe godimo ga nama yohle. O rile, “Barwa le barwedi ba lena ba tla profeta. Lesogana la lena le tla bona dipono. Mokgalabje wa lena o tla lora ditoro.” Gomme dilo tše A tla di dirago, Jesaya o rile, “Ka dipounama tša go kekeretša le maleme a mangwe Ke tla bolela le batho ba, gomme ye ke Khutšo.” Eupša ga se ba ke ba Le kwa. Ba retolotše dihlogo tša bona le go Le feta. O rile, “Ditafolia tšohle tša Modimo di tla tlala ka mahlatša, gomme go ka se be le selo sa go hlweka.” Gomme ge seo e se seswantšho sa Jerusalema, le kereke ya letšatši lela mo go tleng ga Mesia, ke seswantšho lehono go swana. Se no ipušeletša ka bosona.

<sup>41</sup> Bjale, ge Modimo a re O tla dira selo, O se dirile. Go sa kgathale ka se e ka ba mang gape a naganago ka sona, se e ka ba mang a se bolelago, ge Modimo a bolela ka se sengwe, O tlementšwe mošomong go hlatholla Lentšu leo ka Boyena. Gomme go hlatselwa ga Gagwe ga Lentšu ke tlhathollo ya Gagwe Mong. Hlokamelang, go hlatsela Molaetša wa Mesia wa Gagwe. O tshepišitše se Mesia a bego a tla se dira ge A etla. Gomme ge A tlile . . .

<sup>42</sup> Ebile le ge banna ba bohlale ka bohlabela ba lebeletše tlase borwabodikela, go tšwa moo ba bego ba le ka Babilonia, gomme ba bone naledi ya segoši. A le be le tseba gore ga go le ntsekana ya histori, ga go felo, gore bobogaleratadima bjo bo itšego (moo ebile ba bolokilego na—na—na nako ka dinaledi, monna yo mogolo yo a ithutilego dinaledi tše) . . . Ga go histori ye e bolelago gore yo mongwe wa bona o bone naledi yeo le gatee. Gobaneng? Go be go se gwa fiwa go bona, ba be ba se ba lebelela se sebjalo. Eupša monna yo bohlale yo o tsebile gore go tla ba le Naledi ya Jakobo e tsoga, gomme ba be ba E lebeletše, gomme E fetile go tloga ka nako yeo Jesu a tswaletšwego ka Bethlehem . . .

<sup>43</sup> Bjale, ke tseba metlwae ya rena ya Bokriste, e no ba boka dikereke tša rena, e ne dilo di hlanogile. O ya ntle mo gomme o bona monna yo bohlale a etla go rapela lesea; ga go selo se sebjalo ka Lengwalong. Mengwaga ye mebedi moragorago ba fihlile fale, ba etla tlase go kgabola melala le go kgabaganya Noka Tigris. Ga se ba ke ba tla go direla segotlane, eupša ngwana yo moswa a ka bago mengwaga ye mebedi ka bokgale. Gobaneng go bile, ka nako ya go swana, Herode o bolaile bana bohole go tloga bogolo bja mengwaga ye mebedi ka tlase? Gore a ke a sware Mesia. Le a bona, ba . . . Modimo o be a hlatseshwe ke Lentšu la Gagwe.

<sup>44</sup> Gomme ge banna ba bohlale ba ba tlile Jerusalema . . . Naledi e ba hlahletše go motsemošate wa bodumedi wa lefase, Jerusalema. Gomme ka pela ge ba tsene dikgorong tšela, naledi yela (sa ka godimo ga tlhago seo se ba hlahletšego) e ganne go ba bontšha gape. Godimo le tlase mekgotheng monna yo mokaone yo, monna wa mohumi ka dikamela tše kaone, le go ya pele . . . godimo le tlase mekgotheng ba re, “O kae Yena yoo a tswetšwego Kgoši ya Bajuda. Re bone naledi ya Gagwe ka bohlabela.” Gomme mošate wo mogolo wola wa bodumedi, ka morago ga mengwaga ye mebedi ya Molaetsa wa modiši, go le bjalo o be a se na le karabo goba go se tsebe selo ka Yona. Hlogo ya dikerekemaina tšohle e be e se na le karabo.

<sup>45</sup> Kafao e gakantšhitše Sanhedrin, gomme ba biditše bakeng sa Bamangwalo go tla go bala. Gomme ba badile kanegelo ya Mika, moprofeta yo a rilego, “Wena Bethlehem, a ga o yo monnyennyane go bakgoma bohole ba Juda (yo monyennyane), eupša go wena go tla tšwa mmuši yo a tla bušago batho ba Ka, Israele.” Gomme ka morago ga ge Mangwalo a badilwe (gomme a sa hlatselwa pele ga mahlo a bona), go le bjalo ga se ba E amogela, le ge Lengwalo le boletše bjalo. Ke belaela kudu ba ka dira lehono, ge Mangwalo ao a tshepišeditšwego letšatši le a tla dirwa go bonagala. Nka no se tsoge ka le rerefela gape, eupša ke le nyaka le hwetše se. Go le bjalo ba ka se dumele!

<sup>46</sup> Bohlale bjo bogolo bja Tate bo dira bohlale bja motho bošilo kudu go fihla A nyenyefatša motho. Ka kgonthe o tla go lefelo moo go dirago motho go lewa ke dihlong kudu ka yenamong, gomme ga se yo mogolo go lekanelo go amogela gore o “phošo.”

O sa dula le kanegelo ya gagwe, ga go kgathale ke bontši gakaakang Tate a netefatšago gore Lentšu la Gagwe ke therešo gomme O dira feels se A tshepišitšego go se dira. Motho o nagana bohlale bja gagwe bo ka godimo kudu go Modimo, ge bo sa tle go ya ka bohlale bja gagwe, “Gobaneng, Ga go bjalo.” Yeo ke therešo ka go lebaka le lengwe le le lengwe, e sa e dira. Le bona ka fao taba ka moka e bego e swanelia, bjale?

<sup>47</sup> A tšušumetšo go badiši bale! Barongwa ba etla fase go bolela le badiši, Barongwa ba Modimo ba etla go bolela le sehlopha sa modiši.

<sup>48</sup> Ke a makala ge eba le kile la ba le monyetla wa—wa go bolela le modiši goba go beng le yo motee, lebakana? Ge le ka dira, ga—ga ke rate go e bolela ka lebaka la tshwao ya ka ke lokišetša go e bolela morago ga lebakana, eupša modiši o dula le dinku kudu go fihla ebile a sega boka dinku (di lla), o bolela bjalo ka nku, gomme o nkga bjalo ka nku. Yeo ke nnete, gobane o ne dinku. Ke sohle a se tsebago, ke dinku tša gagwe.

<sup>49</sup> Bjale, Lentšu le le hlatsetšwego la Therešo. Ge badiši ba, ba go kokobela, banna ba go se rutege . . . A tlhompho, go swanelia bjang go modiši go amogela molaetša wa nku ye mpsha ye e tswetšwego. E ka se kgone go tla go se sengwe gape eupša modiši. Ke ka lebaka leo A tswetšwego ka setaleng, gomme e sego ka ntlong. Dinku ga di tswalelwé ka ntlong, goba ka kamoreng ya sepetlele ya go kgabišwa ka bopinki. Le a bona? Ba tswalelwé ka setaleng, le ka mašemong.

<sup>50</sup> Ke ka baka leo A *hlahlilwego* go ya Khalibari. O ka se kgone go dira nku go sepela magatsela go ya tlhabong. A le be le tseba seo? Ka polaong, ba na le pudi ye e etagopele dinku. Gomme ge a fihla godimo moo lefelo la go bolaya le lego, o tabogela ntle le go tlogela dinku di eya pele. Nku e swanetše go etwapele, e ka se kgone go iketella pele ka boyona. Ka fao, kagona, e be e swanetše go ba modiši a tlela . . . dinku tša gagwe. Ge ba hweditše lesea Modimo tlwa moo motseta a rilego O tla ba, gomme ge ba hweditše Molaetša wo wa motseta ka legopong, tlwa moo Morongwa a rilego O tla ba.

<sup>51</sup> Bjale, ke kwele batho ba re, “Morongwa o boletše le nna, O rile, ‘*ka gore* le *ka gore*.’” Go nyefola bjang nako ye nngwe; gomme ke kwele batho ba bolela gore Morongwa o boletše le bona, le go ba botša “*ka gore* le *ka gore*” seo se bego ka phethagalo se le kgahlanong le Lentšu. Bjale, Morongwa a ka kgona bjang go dira seo? Go no se kgone go ba. Gomme ge Modimo a go boditše gore selo se se *itšego* se tla direga (o *re* O go boditše seo), gomme ga se direge, gona e be e se Modimo a bolela le wena. E no elelwa, yeo ke nnete. Modimo ga a aketše. Ga a hwetšwe ka go maaka.

<sup>52</sup> Ge ba hweditše Lesea, a thabo e swanetšego go ba e bile go bona. Gobane Morongwa yo a ba filego molaetša, ba o hweditše

feela tlwa ka tsela ye Morongwa a rilego o tla ba, gomme feela ka lefelong moo Morongwa a rilego go tla ba. A selo seo se swanetšego go ba se bile go bona!

<sup>53</sup> Ka legopong, gobaneng? Le bona ka fao badiši ba ba bego ba le ka setaleng? O nagana gore mothutamodimo o be a ka ba eng ka kua? O be a ka bea phini godimo ga nko ya gagwe, gomme a re, “Nntshe lefelong le.” Le a bona? A ka be a se a amogelega, a ka be a bile manyami.

<sup>54</sup> Eupša, le a bona, e be e le “feel mo gae” go modiši. Modimo o tseba moo a romelago Molaetša wa Gagwe. Le a bona? Feel gabotse tlwa. Ka go naga ye badiši ba be ba le ka gare nako yeo, ka setaleng sa bona le Kwana ya bona, Molaetša wo o hlatsetšwego wo ba o kwelego. Go botse bjang! Ka bogoneng bja Mesia, Lentšu le le hlatsetšwego la Molaetša wa bona. Ge badiši ba kwele gore Mesia o be a le lefaseng, gomme a tla ka bogoneng bja Gagwe, thwi ka tikologong ya bona beng, (gomme o hweditše Molaetša go ba therešo, o hlatseditše fale) ka fao gore o be a swanetše go ba a dirile monna yola go ikwela, go hwetša gore Modimo o be a ba diretše selo se segolo se.

<sup>55</sup> Gobaneng, dirutegi di ka be di se tša amogelega fale, ka tlase ga maemo a mabjalo, di ka be di tlogile thwi ka pela. Gobaneng? Motseta a etla go badiši ba tlwaelo. Mohlomongwe ba ka be ebile ba se...ba...Ba bangwe ba badiši ba ba ka no be ebile ba sa kgone go saena leina la bona beng, go belaetša kudu. Le tseba badiši ba Jesu a ba kgethilego ge A be a le mo lefaseng, go diša dinku tša Gagwe, “A o a Nthata, Petro, go feta ba?”

<sup>56</sup> “Ya, Morena, Wena o a tseba ke a Go rata.”

<sup>57</sup> “Fepa dinku tša Ka.” Gomme Beibele e boletše gore Petro e be e le monna wa go hloka šedi le go se rutege. O sa kgetha badiši.

<sup>58</sup> Maloko a kerekere a matšatši ao a fetilego, le baprista, le sosaete se se katišitšwego gabotse ka letšatšing leo se be se ka se amogelege ka setaleng. Bjale, ga ke na le nnete gore ba bantsi ba lena ba kcona go kwešiša (mohlomongwe, lena batho ba toropokgolo) se setala sa Sejuda se nkgago boka, se se lebelegilego boka, boka diphoofolo ka setaleng sela, le se se ka bego se bile. Gobaneng, tše dingwe tša diklasiki tše tša lehono di ka se amomogelege fale, ebile ba—ba ka se tsene ka mojako. Eupša go kgahlile Modimo, ka bohlale bja Gagwe bja go hlokamagomo, go Le utolla go ba bjalo ka ba ba tla Le amogelago. Dirutegi, le banna ba bohlale ba letšatši leo ka kgontha ba ka be ba se ba Le amogela. Ba ka be ba gobošitšwe kudu go swarwa ka go lefelo le le bjalo.

<sup>59</sup> Gobaneng, lefelo la pele, ge ba ka be ba ile morago kerekeng ya bona, gomme ba ka be ba hlatsetše gore ba tsenetše kopano ye bjalo, gomme ba dumela sehlopha sa badiši ba go se rutege ba tliša tiragalo ye bjalo, ba be ba tla kgaolwa go tšwa kerekeng ya bona. Ba ka be ba lahletšwe ka ntle ga disosaete tša Bethlehem,

ge ba ka be ba swerwe ba theeleditše sehlopha se se bjalo sa batho ba go se rutege bjalo ka ge badiši ba ba bile. Ba gobogile, ka kgontha ba ka be ba bile. Ge ba ka be ba amana le batho ba go tlwaelega bjalo, le go beng... go amogeleng dithuto tše bjalo bjalo ka go dumela gore Modimo o tla tliša Molaetša wa Gagwe go sehlopha sa badiša ba go se rutege, ge ba bile le se sengwe le se sengwe se lokišeditšwe yona. Ba ka be ba lahlegetšwe ke boingwadišo bja bona, ba ka be ba ile ba swanela go neela matlakala a bona, gomme ba ka be ba se ba kgona go lemogwa magareng ga sosaaete ya dihlopha tša bona tša letšatši leo; gobane ba be ba amana le selo se sebjalo, gomme e sego le monagano wo mokaone.

<sup>60</sup> “O ka leka bjang!” moprista a ka be a boletše. “O tla ka sekgethweng sa ka mo ka bohlanya bjo bobjalo, ka botlaela bjo bobjalo, gore motho tsoko wa sethogwa wa go se rutege ntle fale yoo a sa... ga se a ye go... go kgabola serokamo. Gomme ba tla dumela molaetša wo mobjalo, gore, ‘Morongwa o tlie fase gomme a bolela le bona’?”

<sup>61</sup> Eupša go ka reng ge monna a ka be a rile, “Ke bone Molaetša wa gagwe o hlatselwa”?

<sup>62</sup> O be a tla re, “Anke ka pela ke le fe dipampiri tša lena. Gomme tšwelang ka ntle ga setšhaba se!” Dinako di a fetoga, eupša batho ga ba dire. Go ka be go diregile gape lehono, ba ka be ba lahletšwe ka ntle ga dikereke tša bona.

<sup>63</sup> Eupša badiši ba ikwetše go iketla ka go felela ka go lefelo lela le Kwana ya Modimo. Gomme modiši e ka ba ofe yo mokaone o dira selo se se swanago. Ge modiši yo mokaone godimo ga dinku a kgona go bona Lentšu la Modimo le dirilwe go ba pepeneneng le go hlatselwa, la se A tshepišitšego go se dira, modiši yola o gae thwi. Ga ke kgathale se e ka ba mang gape a se bolelago, go ne “Modimo o Le tshepišitše, gomme Modimo o Le dirile.”

<sup>64</sup> Ba re, “Matšatši a mehlolo a fetile. Ga go na selo se bjalo bjalo ka Kolobetšo ya Moya. Ga go selo se sebjalo bjalo ka Kolobetšo ya Moya wo Mokgethwana, seo e bile sa baapostola.”

<sup>65</sup> Eupša anke modiši wa therešo wa Lentšu a Le rere, ka maatleng a tsogo, gore Jesu Kriste o a swana maabane, lehono, le go ya go ile! Petro o rile ka letšatši la Pentecost, “Tshepišo ke ya lena, le go bana ba lena, le go bona ba ba lego kgole, le ba bantsi ba Morena Modimo wa rena a tlago go ba bitsa.” Kae kapa kae A bitšago, tshepišo le tšhegofatšo ya go swana ke therešo. Gomme anke modiši wa mmapale wa go fepa ka Lentšu a bone seo se hlatselwa, baithutamodimo bohole ka lefaseng ba ka se E tsee go tlaga go yena; gobane o a tseba Modimo o boletše bjalo, gomme e a direga. Yeo ke phetho. E no ba Lentšu la Modimo ka mehla. Lentšu la Gagwe le dirilwe nama gomme le be le dula magareng ga bona, gomme ga se ba Le tseba.

<sup>66</sup> O tshepišitše selo sa go swana mo letšatšing le. Ke a makala ge eba re tla Le lemoga? Baikgogomoši le bohlale ga se ba ke ba amogela selo se sebjalo ka seo. Gomme ba dumetše ge go be go le selo se sebjalo bjalo ka Mesia lefaseng, a kgonthe Le tla swanela go tla go kerekeleina ya bona. E tla ba sehlopha sa bona se tla Le amogelago, goba “Le be le se la nepagala.” Bjale, e nong go nagana gabotse kudu. Ge e se ka go sehlopha sa bona, gona... A le etše hloko, gona? Modimo ga se a ke a kgetha ye e itšego go tšwa go sehlopha sa bona, eupša O kgethile gore yo a bego a se a kgomagana le ye e itšego wa yona. Gobane sehlopha se tee se tla re, “Le bona se re se dirilego?” Gomme ba tla dira go swana lehono. Eupša Modimo o kgetha yo e sego motho, ke ka baka leo A kgethilego modiši. Badiši ba be ba le gae ka go felela le Modimo-kwana magareng ga bona, Lentšu la Gagwe le dirilwe nama magareng ga bona. Baikgogomoši le ba bohlale ga se ba tsoge ba Le amogela, le fetile hleng le bona.

<sup>67</sup> Gomme re ka bolela bontši bakeng sa lehono, goba ka go lebaka e ka ba lefe. E be e le dilo tša go swana ka matšatšing a Martin Luther. Selo sa go swana ka matšatšing a John Wesley. E be e le dilo tša go swana ka matšatšing a Mapentecostal. Eupša Modimo ga a emele mokgatlo wa motho! O sepetsa Moya wa Gagwe thwi go hlatsela Lentšu la Gagwe! Go be go tla swanela go ba le go tla ka go legoro la khansele ya bona beng goba ba be ba ka se Le amogele. Bjalo ka ge ba le hlogothata kudu lehono, dikereke tšohle, gore ba “ya go dira *bjalo le bjalo*, le go kopanya dikereke tšohle mmogo.” Ge ba lebeletše motseta bjale, yo a ka kopanago le Maprotestant ohle, Makatoliki le Orthodox, se sengwe le se sengwe mmogo, go dira kereke e tee ye kgolo.

<sup>68</sup> Bjale, baena, ke bile le monyetla wa go rera go makgolo a mabodumedi a go fapana, gomme go ne banna ba go loka ka go bohole ba bona. Eupša bjale, le a elelwa, ke a profeta, “Mokgatlo wo mongwe le wo mongwe o tla swanela go amogela se, goba e sego go ba mokgatlo. Ke go go gapeletša.” A le badile pampiri ya Tucson lehono moo baprista ba Katoliki ba thušago go hlomamiša, ka pampiring... thuša go hlomamiša, ka Missouri, moruti wa Moprotestant? Gomme ke mang a bego a e lemoga? Moresbyterian, Mabaptist, Molutheran, le Moassemblies of God. E ka pampiring ya Tucson lehono.

<sup>69</sup> Oo, go a tšoša! Ga se monna ka kua, ke bona ba borapedi, dihlogo tša mmušo tše di phetlago selo ka kua, tshepedišo ye e go lahlela ka go yona ge eba o nyaka goba aowa. O ka se sa ba mokgatlo le go phonyokga bogale bjo bo tlago godimo ga lefase, gomme o bone ge seo e se nnete. Nka no be ke ile ge e direga, lebelelang morago go ye nngwe ya ditheipi tše. Gomme ka gona ge e be e se yona, ke nna hlatse ya maaka. Ge e be e le yona, ke boletše Therešo.

<sup>70</sup> Ba ka be ba O biditše “mohuta tsoko wa mošomo wa moyo wo mobe” kgahlanong le go nagana ga bona go go phosithifi.

O kwa kudu lehono ka go nagana go go phosithifi: o no bea monagano wa gago go e ka ba eng, gomme wa nagana phosithife ka yona. Diabolo a ka kgona go dira seo! Go selo se tee feela se se bušago godimo ga tšohle, gomme seo ke Lentšu la Modimo. Ge o nagana kgahlanong le Lentšu, lebala go nagana ga gago. Nagana ka Lentšu.

<sup>71</sup> “Mesia,” ba naganne, “a ka se hwetšwe ka go lefelo le le bjalo, tlhakahlakano bjalo ka yeo.”

<sup>72</sup> A o ka kgona go eleletša yo mokaone, moprista mogolo yo mogolo, goba monna wa moruti, gohle a nathile ka thutabomodimo, o tla tla fase go setala se se tletšego manyora? Le go amogela Molaetša wa wa go šokiša, modiši wa go kokobelá yo a se nago thuto, gomme a tla a re “Le a bona, nka kgona go Le netefatša go lena, le ke Lesea, yo ke Motseta”?

<sup>73</sup> Gomme le tseba se bona batho ba ka bego ba se boletše? “Monna o a botega, o hlokoketše kudu ka se A se bolelago, eupša o phošo ka go felela!”

<sup>74</sup> Ke bone batho ba phela maphelo a mabotse kudu go fihla batho ba sa dumele, ba sa kgone go bolela selo ka bona, eupša ba re “O phošo ka tlhokofalo. O no se tsebe se a bolelago ka sona. Modimo, A ka se dire selo se sebjalo ka seo.”

<sup>75</sup> Eupša šeba ba bile le bohlatse! Gomme ka morago ga bohlatse, “Eya godimo kua ka setaleng gomme o bone ge eba Lesea lela ga se le robale kua.”

<sup>76</sup> Ba tla re, “O loilwe ke moyo wo mongwe wo mobe, wo o go baketšego go bolela se sebjalo.” Efela e be e le go ya ka Lentšu la Modimo! Gomme ba be ba foufetše kudu go Le bona, gobane thutamodimo ya bona e be e ba foufaditše. A kotsi!

<sup>77</sup> “Ba swerwe ka go lefelo le le bjalo? Ka go tlhakahlakano ye bjalo ka ge le le? Ka setaleng?” Ge ba bile le lefelo le lebotse go Yena go tla, ba bile le se sengwe le se sengwe se lokišeditšwe Yena go tla, gomme ka gona go nagana gore O tla tla fase (le go ya) gomme a se tlišetše barutiši ba bona Molaetša. “Gomme a ka O fa sehlopha sa badiši ba go se rutege? Gomme ka gona a tliša Morwa wa Gagwe mong, gomme a Mo dira a tswalwe ka go se— se setala? Setala sa go tlwaelega? Gabotse, ka go—ka go legopo la bjang? Gobaneng, go ka se kgone go ba bjalo!” Ba be ba ka se O dumele, gobane O be o ikokobeditše kudu.

<sup>78</sup> Gomme O bonolo kudu, ke ka fao bahlalefi ka mehla ba O hlokomologilego. O bonolo kudu, O a ba gakantša. Ba lebeletše Modimo kgole kua, ge A le thwi mo. Le a bona? Ba lebeletše se sengwe kgole mošola, ge se le thwi fa le bona bjale: Kriste, o tsogile go tšwa bahung, wa go swana maabane, lehono, le go ya go ile.

<sup>79</sup> Dilo tšohle tša bona tše kgolo di fetile. Eupša ka kgonthe e be e le Therešo, gore “go be go le Mesia.” Re a e tseba lehono. Re a e dumela lehono. Re a e amogela lehono.

<sup>80</sup> Eupša gona ge Modimo a tshepišitše se sengwe bakeng sa Krisemose ye, o tshepišitše se sengwe go letšatši le, le go netefatša gore Go bjalo, gomme re sa sepela go tloga go Lona, re no ba ka go legoro la go swana bona ba bilego (morago fale ka letšatšing lela) bao ba Le fetilego ka thoko; gobane ga Le—ga le tle ka tatso ya rena ya kerekeleina. Ke ka baka leo re lego ka tlhakahlakanong ye bjalo ya Krisemose.

<sup>81</sup> Jesu Kriste ga se a hwa, O a phela. O fa lehono! Beibele e rile, “O a swana maabane, lehono, le go ya go ile.” O rile, ka go Mokgethwa Johane 14:12, “Yo a dumelago go Nna . . .” (e sego yo a itirišago go dumela, yo a rego o a dumela) “Yo a dumelago go Nna, mediro ye Ke e dirago o tla e dira le yena. Gomme bontši go feta wo o tla dira, gobane Ke ya go Tate.” Gomme ke Mmone, ka bophelong bja ka mong, a dira mediro ya go swana ye mentši (yeo A e dirilego nako yela) go feta go ngwadilwe ka matlakaleng a Beibele ye. Gomme e ya bokagodimo ga ntlhora ya hlogo le bahlalefi lehono, gomme ya utollwa go masea ao a tlago go ithuta; boka Jesu a rapeletše. Ke therešo, O dirile bontsi go feta A . . . Ke bone mo letšatšing la ka, la mengwaga ye masometharo tharo ya bodiredi bja ka, Ke Mmone a dira bontši go feta ke badile ka Yena a dira ka Beibeleng; bontši bja selo sa go swana.

<sup>82</sup> Eupša ga go kgathale se A se dirilego nako yela, a le nagana Sanhedrin ba Mo dumetše? “Gabotse,” ba rile, “o loilwe.” Eupša, hwetša ntle, moo ba dirilego phošo ya bona e be e le go hwetša . . . ka go hwetša, e sego se thutotumelo ya bona e se boletšego, eupša se Lentšu le rilego Mesia o tla se dira mo letšatšing la bona. Gomme fao ke mo re dirago phošo lehono, go se puruputše Mangwalo. Jesu o ba badiše, “Phetlang Mangwalo, ka go Wona le nagana gore le na le Bophelo bjo Bosafelego, gomme Ke Wona a pakago ka Nna. A le botša Yo Ke lego yena.”

<sup>83</sup> Hlokamelang, Modimo o tsebilepele ba tla dira se, seo e no ba *gobaneng* A ile a swanela go E iša go badiši. O tsebile ba ka se e dire, ba ka se E amogelete. Bjale a le bona gobaneng e swanetše go ba badiši? Gobaneng badiši? Baithutamodimo ba ka se E amogelete. Gobaneng badiši gape? A E tla tla kgahlanong le Lentšu la Gagwe? Aowa! Ba be ba le badiši, ba be ba tseba dinku; gomme seo ke se A tswetšwego, nku, kwana. Elang hloko, O be a le Kwana. Ba be ba le—ba be ba le mohutha o nnoši woo o tla Mo amogelago. Modiši o be a le selo se nnoši se tla amogelago Kwana. Ba tsebile mokgwa wa go O hlokamelang, gomme ka fao go bjalo lehono ge re hwetša Molaetša wa Kwana.

<sup>84</sup> Bjale go ratha! Wa go kokobela kudu, monna wa go se rutege a boboela Imanuele ka setaleng. Bontši . . . Gomme go be go le batho ntle kua, ka matšatšing a go swana, ba ruta thutamodimo ya bona. Mašaba a magolo, a thala mogohle, go tšwa gohlegohle nageng, ba tla go dihlabelo tše Jehofa a di boletšego e be e le “monkgo ka dinkong tša Gagwe.” Gomme mo go be go le badiši

ba go kokobela, ka setaleng, ba boboela Imanuele; Modimo ka Boyena a dirilwe nama, gomme a robetše ka setaleng. Le a bona, ka fao rena ka dithuto tša rena tše kgolo, le hlogo ya rena e tamogetše morago boka re tseba se sengwe, gomme Modimo o feta ka thoko selo sohle. Le a bona? O dira se A tshepišago go se dira, gomme ka mehla O dira seo. Eupša naganang ka badiši ba ba fase ntle kua bjale ba go boboela Ima-... Imanuele ka setaleng. E ratha kudu. Nnete ke yona!

<sup>85</sup> Ka gona ntle... Ka morago ga ge ba Mo boboetše, le go lemoga gore Molaetsa wo ba bego ba o rera o be o hlatselwa, bona šebale... ba be ba le ntle ba tumiša Modimo ka Molaetsa wo o sa senyegego kudukudu wa Morongwa. Bjale bapetša seo le lehono. E no ema motsotso gomme o nagane. Motho ntle a boboela Modimo, le go Mo tumiša bakeng sa se ba se bonego, se ba se kwelego, se ba se tsebilego e be e le Therešo, ka Molaetsa wo o bego o sa senyege go monagano wa bohlale. E be e le kgahlanong le go nagana gohle ga borapedi, gomme efela e be e le Therešo! Ke Therešo! Ba Le dumetše. Gomme bjale, bohlale bja motho bo ka kgona go ba botlaela bjang! Ka gona go bolela gore khwaere ya Morongwa e ba opeletše koša ya matswalo ya mathomo. A le kgona go eleletša seo? Gore modiši yo a bego a sa kgone go ngwala leina la gagwe, a nkga bjalo ka hoko ya dinku, a sepela go theoga mokgotha, a goeleša, “Letago go Modimo Godimodimo! Re a tseba gore O lefaseng!”

<sup>86</sup> Moprista o rile, “Monna yola o hlakane bjaša. Lebelelang godimo ga dipuku gomme le bone ge eba ke leloko la phuthego ya rena. Ka kgonthe o re goboša ka dithuto tša gagwe tša go se amoge. Mo tlošeng kgole le rena. Re ka se gobošwe magareng ga batho.”

<sup>87</sup> Gabotse, o ka kgona go gobošwa magareng ga batho le go tagafatšwa mahlong a Modimo; goba go tšea kgetho ya gago, ka gore, elelwang, tatso ya bokereke ya letšatši ga e swanele Lentšu la Modimo. Ga go na bontši bja makgolo a senyane le masometshela senyane a tatso ya go fapano ya Lona. Ke tatso e tee, Lentšu le tee, Modimo o tee. Yeo ke phetho.

<sup>88</sup> Ba bolela gore Barongwa ba opetše koša ya mathomo go bona, gomme gape ba bolela gore ba “hweditše Molaetsa go tšwa go Morongwa.” Morongwa o tšweletše go bona, a ba fa Molaetsa, gomme ba ile gomme ba hwetša gore Molaetsa e be e le Therešo. Gomme ba re, “Ntle le seo, Morongwa o opetše koša ya mathomo go rena.”

<sup>89</sup> “A o kgona go eleletša?” Ba re, “Moisa yola wa go šokiša.” Ba be ba ka se tsoge ba bile le e ka ba eng boka seo go direga magareng ga bona, le a tseba, kafao e be e le mohuta wa thuto ya go tlaba go bona. Gomme leo ke lebaka ba sa kgonago go O hwetša ka Mangwalong, o be o se go bona go O hwetša. Go se kgonagale go ba bohlale, ga go boitemogelo bjo bo bjalo bo kilego bja direga go bona. Go se dumelege, eupša go le bjalo O

be o le Therešo. Ke Therešo, re a tseba Ke Therešo. Naganang! Basokologi ba mathomo ba Kriste le phuthego ya mathomo e be e le banna ba dinku, e sego banna ba baruti; badiši ba dinku, badiši. Gobaneng badiši?

<sup>90</sup> Hlokomelang! Ntle go tumiša le go tagafatša Modimo ka se ba se bonego le go se kwa, ba kwele Barongwa ba opela lekga la bona la mathomo go motho. Barongwa ga se nke ba ke ba opela go motho pele. Gomme lebelelang dikhwaere, ka fao ba bego ba eme le go katišwa le go katiša digalontšu tšela, “ba be ba opela mo tswalong ya Mesia,” gomme bohole ba be ba fetilwe ka thoko! Gomme Barongwa ba tlie tlase le go opela go banna ba dinku ba go tlwaelega, ba se ba apere diaparo tša baruti, eupša ba apere diaparo tša badiši. Gomme lebelelang ke mang a hweditšego Molaetša wa mathomo, go a makatša.

<sup>91</sup> Le moo e filwego, e sego ka go dikhathetherale, eupša ka lešokeng, ntle ka lešokeng moo Morongwa wa Morena a tlilego. E sego ka kerekeng, ka lešokeng. Ebile o be a se a amogelwa ka kerekeng. Ba naganne O be a le, gomme ba naganne ba bile le Wona, eupša Modimo o netefaditše gore e be e le phošo. “O kgona ka matlapa a go tsošetša Abraham bana.” Yeo ke nnete.

<sup>92</sup> Nako ya mathomo Barongwa ba kilego ba opela mo moketeng, e be e le Legodimong. Ge le ka lebelela ka go Jobo 38:7, (bjalo ka ge ke bona ba bangwe ba lena ba tsea dinoutse), ge Modimo la mathomo a polanne go direng tlholo ya Gagwe ya mathomo, lefase. Jobo o be a le yo mogolo, monna wa setswerere, gomme o bile le mehuta yohle ya bohlale. O rile, “Ge ke eya godimo mebarakeng, bakgoma ba baswa, bohole ba khunama pele ga ka, gomme ba no nyaka nakwana ya bohlale bja ka.” Gomme o be a sa kgone go eleletša gobaneng a be a swanetše go swarwa ka tsela ye a bego a le.

<sup>93</sup> Gomme kafao Modimo o mmotšišitše, o rile, “Ipofe wenamong boka monna, gobane Ke theogela tlase go bolela le wena.” Gomme ge Modimo a tlie fase ka sesasedi, O rile, “Jobo, o be o le kae pele Ke bea metheo ya lefase? Ge dinaledi tša moso di opela mmogo, gomme barwa ba Modimo ba goeleta ka lethabo, o be o le kae nako yeo, Jobo?” Gomme o ile a phohlišwa ka nako yeo. “O be o le kae?”

<sup>94</sup> Le a bona, lekga la mathomo Barongwa ba kilego ba opela mo moketeng, e be e le Legodimong. Eupša lekga la mathomo ba kilego ba opela mo lefaseng, e bile go badiši mo tswalong ya Modimo, Imanuele mo lefaseng; batho ba mathomo ba kilego ba kwa Morongwa a opela, e be e le badiši ba go kokobela.

<sup>95</sup> Ge re tsea basadi ba rena ba difahlego tša go pentwa, moriri wa go kotwa, ba apere dišothi, le go hwidinyetša mohuta tsoko wa kobo ya kereke go ba dikologa, le go ba emela godimo le go opela boka se sengwe, gomme ka gona re nagana gore Modimo o swanetše go theetša seo? O na le Barongwa morago kua ba ba

ka kgonago go Mo tloša bodutu ge e sa le... pele A ka tsoge a dira motho. Uh-huh. Tšwelang ntle gomme le phele... gomme le apare diaparo tše o lego makgapa go Modimo, gomme le ka letela seo bjang go ba sa Modimo? O re, "Gabotse, ke wa..."

<sup>96</sup> "O be o le kae ge Ke bea metheo ya lefase? Mpotsé mo Ke e tlemeletšego gona. Se kae sedikološi se ba se gotetšago? O be o le kae nako yeo?" Le nagana Modimo o swanetše go re kgopela bakeng sa bohlale bja rena. Bohlale bja rena bo no ba bošilo go Yena. O dira se A rego O tla se dira.

<sup>97</sup> Bjale hlokamelang, Modimo o lokišetša go dira tlholo ye nngwe. A hlola lefase la go hwa, bophelo bja go hwa. Barongwa ba a opela Legodimong. Eupša mo O hlola Bophelo bjo boswa, Bophelo bjo Bosafelego go motho, gomme O opela go balatedi ba Gagwe ka Barongwa; lefaseng, e sego Legodimong. Legodimo le bile le Bophelo bjo Bosafelego. Le a bona? Gomme O opetše... ba opeletše Magodimo, ge tlholo ya go hwa e etla ka gare; gomme mo tlholo ya go se hwe e tla ka gare, gomme bjale ba opela go batho ba lefase. Lekga la mathomo, go badiši. Go a tlabu, a ga se gona?

<sup>98</sup> O be a thomile tlholo ye mpsha. E be e le eng? Tlholo ya Gagwemong. Modimo o dirilwe nama le go dula magareng ga rena. Yeo ke... Beibele e rile, "Mathomong a tlholo ya Modimo." Modimo o hlotšwe ka sebopego sa motho; ka go Jesu Kriste, Morwa wa Gagwe, Modimo o dutše. O agile tabarenekele ya Gagwe ya nama le marapo, gomme o phetše ka go tabarenekele yela; Modimo, *Imanuele*, "Modimo o na le rena." O ikagetše ntlo Yenamong, go phela ka go yona, gore A kgone go bonagatša Lentšu la Gagwe go balatedi ba Gagwe ka seo. Le tseba se Modimo a lego, ge le bona Kriste.

<sup>99</sup> Elelwang, ka mehla go na le go opela mo tswalong ya kgoši. Ke ba bakae ba tsebilego seo? Nnete, le dirile. Gabotse, bjale, a o nagana ge Kgoši ye e ka be e tswetšwe tlase kua, mosadi a ka be a tlie a kitimela ka go khathederale felotsoko, gomme o rile, "Dira malao a loke ka pela, gomme o hwetše dingaka, gobane ke ya go tliša Imanuele lefaseng"? Mosadi wa go šokša go tšwa Natsaretha, toropokgolo ya tlasetlase, ye... mpe go feta Tucson goba e ka ba efe ya ka moka ga tšona, gomme efela mosadi yo monnyane yo o tla a kitimela godimo fale go moprista yo mogolo gomme o rile, "Ke—ke lokišetša go tswala Imanuele." Ba ka be ba mo lahletše kgolegong. Ka kgonthe ba be ba ka dira. Ka nnete ba ka dira. Ka bogafa bjo bo bjalo ka bjoo go tlišwa magareng ga batho ba gagwe, a ka be a se a bo emela. Ešita a ka se ke lehono. Eupša go no swana le ka mo e diregago, go no swana.

<sup>100</sup> Hlokamelang, go swanetše go ba go opela. Dikgoši di be... A ka be a se a opelelwa. Batho ba ka be ba se ba Mo opelela, gobane ga se ba Mo dumela. Gomme leo ke lebaka... Se E a tla, le ka no E hwetša. Leo ke lebaka lehono gore batho ba lewa ke hlong go tumiša Modimo, ba lewa ke hlong ka Kriste!

Dikhathederale tše kgolo di ka se amogele Kolobetšo ya Moya wo Mokgethwa, ba beilwe kudu ka tsela ya bona ya bokereki gore ba se O amogelete. Modimo o ya go hwetsa yo mongwe yo A ka kgonago go hwetsa tumišo ka yena. “O kgora ka matlapa go tsošetša Abraham bana,” bjalo ka ge ke tsopola Johane gape.

<sup>101</sup> Hlokamelang, balatedi ba Gagwe ba swanetše go Mo opelela. Gomme balatedi ba Gagwe nako yeo ba be ba le Barongwa ba Gagwe, gomme ba opeletše badiši ba Gagwe ba ba bego ba swanetše go tsea Molaetša wa Gagwe.

<sup>102</sup> Ke mang yo a swanetše go O kwa pele? Go le bjalo, balatedi ba Gagwe. Yoo ke yo a tla kwago go opela ga Kgoši pele, e tla ba balatedi ba Gagwe. Gomme balatedi ba Gagwe e be e le eng? Mohuta wa go tlabu, a ga se yona, baena? E be e se banna ba Gagwe ba baruti. E be e se baithutamodimo. Yeo ke nnete. E be e se batho ba kerekeleina. Aowa, e be e le badiši. Gobaneng? Go be go le nku e tswetšwe, ke ka lebaka leo. Le a bona? Balatedi ba gagwe ba O kwele, ba Modimo a tsebilego ba tla dumela. Modimo o rometše Molaetša wa Gagwe go bao ba tla O dumelago. Yena ke bohlale bjohle; O tseba mo a romelago Molaetša wa Gagwe, yo a tla O dumelago. Wa Godimodimo wa Legodimo o rometše wa fasefase wa motho godimo ga lefase.

<sup>103</sup> Jesu o rile, ka go Mateo 5, “Balehlogenolo ke badiidi moyeng, gobane Mmušo wa Legodimo ke wa bona.” Maria, ka go... Ge eba le ngwala Mangwalo, yeo ke Mateo 5. Gomme ge eba le ngwala Mangwalo... Seo ke se ke se ngwadilego fa, ke Mangwalo.

<sup>104</sup> Maria o rile, ka go Luka 1:52, ge a tloditswe ka Moya, Moya wo Mokgethwa godimo ga gagwe, o rile, “O phagamišitše bona ba leemo la tlase.” Maria o boletše seo, mmago Jesu, o rile, “O phagamišitše bale ba leemo la tlase.”

<sup>105</sup> Luka gape o rile, “Batho ba go tlwaelega ba Mo kwele ka lethabo.” E sego ba—ba bohlokwa, ba—ba baithutamodimo, dingaka tša molao le tša bokgethwa; eupša batho ba go tlwaelega ba Mo kwele ka lethabo, batho ba leemo la tlase.

<sup>106</sup> Go kgabola ntle ka moka Mangwalo a makgethwa, Molaetša wa topollo o filwe ke badiši le ka dinku.

<sup>107</sup> Bjale ke swanetše go tla go tswaleleng, gobane re ba nakong go tswalela. Ke feta Mangwalo a mantši feela gore ke kgone go le tliša go kgopoloye.

<sup>108</sup> Go kgabola ntle Lengwalo lohle, topollo e emetšwe ka badiši le dinku. Yeo ke nnete. Bohle re dumelana le seo. Gobaneng? E be e le morithi le sekai. Gomme eng kapa eng... Ge ke se ka ke ka bona seatla sa ka, gomme ka lebelela fase mo go morithi wa ka wa seatla, gomme ka bona gore ke be ke na le menwana ye mehlano, ke be ke tla tseba gore e be e bonagatša; nekethife e be e bonagatša phosithifi. Gomme ke ka baka leo Molaetša ka mehla o tlidego go... topollo ka dinku, ka gore go tloga gona

mathomong . . . Gomme e be e le ka dinku, le ka badiši, gore O ikutolotše Ŷenamong. Bohle e be e le meriti le diswantšho.

<sup>109</sup> Bjale a re lebeleleng mathomong. Adama le Efa, ba eme fale ka bogoneng bja Modimo go kwa Molaetša wa Gagwe go bona, ba be ba ikgokile mathekeng a bona letlalo la dinku. Molaetša wa mathomo o kilego wa kwewa, o filwe ka godimo ga ntlhora ya letlalo la nku la go hwa, gore Modimo o be a bolaile le go tatetša Adama le Efa ka go lona. Ka morago ga ge ba lekile go dira bodumedi bja bona beng bja matlakala a mogo, bo ka se šome. Sehlabelo sa dinku se be se theilwe bakeng sa poelano ge e sa le go tloga gona mathomong, sehlabelo sa dinku.

<sup>110</sup> Bjale, re ya go tswalela se bjale, le go le laetsa gobaneng e swanetše go ba badiši; gomme gobaneng go swanetše go ba, O be a swanetše go ba nku.

<sup>111</sup> Bjale, baprofeta ba Testamente ya Kgale ba ikgokile bonabeng ka matlalo a dinku (re tseba seo, uh-huh), ba laetsa tumelo ya bona ka go Lentšu la Gagwe la go tla ga Kwana ye e phethagetšego. Ke ka gobaneng baporofeta.

<sup>112</sup> Bjale, Lentšu la Modimo ga le tle go moithutamodimo, ga go na . . . ke—ke yena a Le senyago. Yeo ke nnete. Ga go selo se sebjalo bjalo ka ge o kile wa re . . . O re, “Gabotse, moisa yo ke moithutamodimo.” Seo se no mmea kgolekgole go tloga go Lentšu go feta e ka ba eng ke tsebago ka yona. Le a bona? Lentšu la Morena Modimo, Modimo mosefetoge, ga a tsoge a fetoga. Kae kapa kae ka Beibeleng, Lentšu la Modimo ka mehla le be le etla go baporofeta. E sego go baithutamodimo goba dingaka, go baporofeta! Gomme ka mehla ba, nako ye nngwe le ye nngwe, ba be ba ganwa le go latolwa.

<sup>113</sup> Baporofeta ka mehla e be e le badiši le bona. Baprofeta ba itlamile bonabeng ka matlalo a dinku, gobane ba be ba apara letlalo la dinku ba bego ba di diša. Gomme molaetša wa mathomo, go mo—mo—mo moloko wo o ahlotšwego, o be o le ka godimo ga matlalo a dinku. Baprofeta, ke re gape, ba apere mekgopha ya dinku ba itlamile go dikologa bonabeng, gobane ba be ba paka ka seo, gore ba dumetše gore go be go etla Kwana ye e phethagetšego bakeng sa sehlabelo sela. Gomme Lentšu la Modimo le tlie go bona ka godimo ga matlalo a dinku. Badiši ba . . . goba baporofeta ba ka mehla e be e le badiši. Abraham e be e le modiši. Isaka e be e le modiši. Jakobo e be e le modiši. Moshe e be e le modiši. Dafida e be e le modiši. Baemedi bohle ba Modimo gantši ba be ba le badiši.

<sup>114</sup> Bjale re ya go hwetša gobaneng go etla go badiši. Ba tsebile dinku ga di na thušo ntle le modiši go di hlahlala. Bona . . . nku ga e na thušo ka go phethagala, e ka se kgone go feta ka boyona. Ke ka baka leo Modimo a swantšhago bana ba Gagwe ba ba dumelago le dinku. Ba swanetše go hlahliliwa. Eupša hlokomela se se go hlahlago! O seke wa hwetša pudi, o tla go sepediša go ya

selagapane. Modimo ga se a ke a re fa pudi, O re file Morwa wa Gagwe (Moya wo Mokgethwa) go re hlahlala. Yena ke Mohlahli wa rena, e sego badiši ba go dirwa ke motho, eupša modiši mofiwā ke Modimo yo a fepago dinku godimo ga dijo tša dinku.

<sup>115</sup> Bjale, o tšea kolobe, gomme o re go kolobe ye, “Ke ya go go dira kwana.” Gomme o a mo hlapiša. Gomme o penta manala a gagwe, le—le go ya pele. Gomme wa mo fa dijo boka dinku, wa mo fa mohuta tsoko wa—wa dijo. Gomme wa mmea ntle lebatong goba ntle ka go . . . moo mo—mo mohlape wa dinku, ka go tšhemō ya leobanare goba se sengwe. Gomme ge eba go ne molete wa leraga e ka ba kae, kolobe yela e tla ya feela thwi ka go molete wola wa leraga ka mo e ka yago. Le a bona? Gobaneng? Ke ka gobane tlhago ya gagwe e sa le kolobe.

<sup>116</sup> Gomme ke ka lebaka leo maloko a kereke, lehono, ba ineetše ka go dilo tša lefase, le a bona, ke ka gobane tlhago ya bona ga se e fetoge. Ba tla ja mohuta e ka ba ofe wa bokerekī, leraga la thutamodimo, eupša Lentšu la Modimo ga ba kgone go Le kgotlelela. Ba tla ya ka gare le go theetše Lentšu . . .

<sup>117</sup> Le a tseba, moikaketši yo mogologolo kudu ka lefaseng, ke legokubu la kgale. Ka Beibeleng, go bile tše pedi di ntšhitšwego ka arekeng. Legokubu la kgale le ile ntle gomme ga se nke la ke la bowa, gobane ke nong, setopeledi. O dutše godimo ga mebele ya ditoto tša go hwa gomme a tlatša mpa ya gagwe ka setoto sa go hwa. Eupša ge a ntšheditše leeba ntle, leeba ga se la ke le kgona go emelana le monkgo woo, kafao o boetše morago ntlong ya Tate le Noage, le go itia mojako go fihla Noage a mo dumelela ka gare.

<sup>118</sup> Bjale, legokubu le ka kgona go dula ntle mo le go ja go pere ya go hwa, letšatši lohle, le go fofela ntle kua ka tšhemong le go ja thoro le leeba. Eupša leeba ga le kgone go fofela godimo kua le go ja go pere ya go hwa, gomme morago la ja thoro; e tla mmolaya. Le a bona, leeba ga le na le sabohloko se se itšego, gomme ga le kgone go e šila.

<sup>119</sup> Gomme ge leeba e ka ba lefe la Modimo, leeba e ka ba lefe le ejā Lentšu goba nku, sebata sa go hlweka, ge o eya go ba fa dilo tša lefase, ba a tseba Mong wa bona o rile, “Yo a ratago lefase goba dilo tša lefase, lerato la Modimo ebile ga le gona ka go yena.” O mo fa se sengwe kgahlanong le Lentšu lela la Modimo, a ka se kgone go le emela. Eupša diabolo o kgona go tšea Leo le lefase gape, gomme a le bitša lohle la Modimo. O ka se kgone go hlakanya oli le meetse, e no se hlakane.

<sup>120</sup> Bona, badiši ba bohole, ba tsebile dinku di be di hloka thušo ntle le modiši. Gomme ba be ba le badiši, gomme ba tsebile gore o swanetše go hlahlwa.

<sup>121</sup> A kwelobohloko e lego go bona, lehono, gore ba leka go fepa dinku, go dikošo. Eupša nku e ka se e je. Aowa, mohlomphegi! Le a bona, ba be ba leka go fepa dinku, morago kua, dikošo.

Gomme ge Lentšu le etla, ba be ba tlwaetše dikošo, ba be ba sa tsebe Lentšu. Gomme seo ke se e lego sona lehono, ge selo se se swanago se hlatsetšwe le go netefatša gore Modimo o tla dira selo se se itšego. Nako yeo ba be ba tlwaetše dikošo, le go fepša ka go dikošo, go fihla le . . . gabotse, ga go na go bolela le bona, ba no se O theetše, ke phetho. Mpša . . . Beibele e rile, “Bjalo ka mpša e boela mahlatšeng a yona, le kolobe lerageng la yona, ba dira bjalo.”

<sup>122</sup> O kwa Lentšu, gomme o ye morago thwi go leraga la go swana la kgale! Gomme o re, “Aa, Ke bohlanya. O se dumele selo se sebjalo ka seo.”

<sup>123</sup> Modimo . . . dinku di dira go swana lehono, di swanetše go tshepela go dijo tša Lentšu. Di ka se tšee dijo tše dingwe tše itšego. O ka se kgone go di fa dijo tša bokerek, nku ya nnete. Aowa! Aowa! Eyang le ba botše, “Bjale lebelang, bohle re tla ba mmogo. Bjale, Jesu o rapetše gore bohle re be ‘batee.’” Le sa tšwa go kwa selo se se swanago ka Tucson e sego telele go fetile, matšatši a se makae a go feta, eupša ke maaka! Jesu ga se a tsoge a rapela . . . O dirile bjang . . . O kgona bjang go dira Lentšu go ikahlola Lonamong, go iphahla ka Bolona? Gona Modimo ga a fete motho e ka ba ofe yo mongwe.

<sup>124</sup> Jesu o rile, “Ba babedi ba ka sepela mmogo bjang ntle le ge ba kwane?” O ya go tšeа bjang Methodist, Baptist, Presbyterian, le Katoliki, le go e lahlela yohle mmogo le go ba e tee? O ka no ba yo mongwe ka tlase ga hlogo ya motho, eupša Jesu o rile, “Gore ba ke ba be batee ebile boka—boka *Nna* le *Wena* re le batee.” Bjale, O re nyaka bohle go ba batee ka go Yena e lego Lentšu! Amene! Šeo yona, “Yo Motee le Tate.” Gomme Tate ke Morwa, o a swana. Gomme ke Lentšu la go swana, Lentšu le bonagaditšwe, le ipealatša ka Bolona ka letšatšing le bjalo ka ge Le dirile ka letšatšing le lengwe le le lengwe, gore le be batee.

<sup>125</sup> Hlokamelang, O rile, “Bjalo ka ge Tate a Nthomile, kafao Ke roma lena.” Tate yo a Mo romilego, o ile ka go Yena go tiišetša Lentšu. Gomme Jesu wa go swana yo a romago batho ba Gagwe, o ya ka go batho ba A ba romelago; le go re, “Mediro ye Ke e dirago, le tla e dira le lena.” Nnete, O rapetše gore re be batee; ba batee le Yena, e sego ba batee le mokgatlo. E sego ba batee le tshepedišo, eupša ba batee le Modimo. Ka gore Modimo ka go Lentšu la Gagwe ke yo Motee, gomme Jesu le Modimo e be e le Batee, gomme wena le nna le Lentšu re swanetše go ba batee. Yeo ke therešo. Re swanetše go ba batee ka go kwana le Lentšu. E sego se yo mongwe gape a se bolelago, ye ga se tlathollo ya sephiri. Le tše, se Le se bolelago, gomme o Le dumele; gomme Modimo o tla Le hlatsetša, le go netefatša gore Le lokile. Le nagana E no ba feela go barutiwa feela, go tšeа Lentšu la Gagwe bakeng sa yona, e ya go o le leke gatee gomme o bone. O tla hwetša gore e tla go šomela go no swana le ge A tshepištše. Ee, mohlomphegi!

<sup>126</sup> Ba ka se je dikošo, ba swanetše go ba le dijo tša dinku. Mokgethwa Johane 10 e bega gore, “Dinku tša Ka di tseba Segalontšu sa Ka.” Gomme ge A le Lentšu, gona ke mohuta ofe wa Segalontšu A nago le sona? “Dinku tša Ka di tseba Segalontšu sa Ka, basetsebje di ka se ba latele.” Le a bona? Jesu o rile, “Segalontšu sa go se tlwaelege di ka se se latele.” Kafao, dinku tša Gagwe ga di latele segalontšu sa mosetsebje. Di ka se ba latele.

<sup>127</sup> Baprofeta, badiši, le dinku, tšohle di paka ka go tla.

<sup>128</sup> Bjale bonang Modimo mosefetoge ka go dipolane tša Gagwe tša go se fetoge tša Lentšu la Gagwe letšatšing le. Bjale e nong go nagana metsotso e se mekae: Lentšu la go se fetoge.

<sup>129</sup> Bjale lebelelang! Ge—ge Moshe a ka be a tlide ka molaetša wa Noage, o ka be o se wa šoma. Ge Johane Mokolobetši a ka be a tlide ka molaetša wa Moshe o ka be o se wa šoma. Ge Jesu a ka be a tlide ka molaetša wa Moshe goba wa Noage, o ka be o se wa šoma. Gomme Wesley a tla ka molaetša wa Luther, o be o ka se šome. Ge Pentecost e atla ka molaetša wa Wesleyan, o be o ka se šome; re nno kwa yeo e paka. Bjale, Modimo o no tšwelapele a sepela. E no šetša Lentšu, le bona mo re lego.

<sup>130</sup> Gona gobaneng badiši ba se ba swanela tsebišo ya pele . . . Ge baprofeta ba bohole, banna ba bagolo ba bohole ba be ba le badiši, gona gobaneng Modimo (Yena mosefetoge) a fetola mokgwa wa Gagwe thwi fa, le go O tliša go baithutamodimo? E be e le badiši. Go goroga ga Kwana ye e phethagetšego, moneelo wa sebe, o swanetše go tla go modiši.

<sup>131</sup> Modiši o tseba dinku tša gagwe bokaone go feta e ka ba mang gape. Ga go yo a tsebago nku boka modiši, o katišitšwe go yona. Gape ba tsebile ke mohuta ofe wa dijo ba tla di jago. Ba . . . o tsebile se dinku di bego di tla se ja, gomme o tseba dinku tša gagwe ka se di jelego. Mo . . . le tla bona nku e eya ntile go hoko gomme ya thoma go ja dikošo, le tla re, “Tloša setopeledi sela.” Le a bona? Kafao Modimo o tsebile moo a ba romelago.

<sup>132</sup> Bjale a re bitšeng yo mongwe wa modiši baprofeta ba bagolo ba Jehofa, go tiišetša gore Modimo o be a le ka go baprofeta ba ka tlase ga letlalo la nku. Šetšang bjale. Re tla bitša, pele, Moshe. A re mo lebeleleng. Bodiredi bja gagwe bo tla re laetša Jehofa ka go moprofeta wa Gagwe wa modiši. Bjale, re tla no tšeа mohlomongwe e tee, ge re na le nako, lebaka la e ka ba metsotso ye lesome ye e latelago. Re tla tšeа ba babedi ba bona, eupša mohlomongwe yo o tla loka.

<sup>133</sup> Moshe; Jehofa o ipealatša ka Boyena mo, ka go moporofeta yo wa modiši. O be a filwe dimpho tše tharo go hlatsela bodiredi bja gagwe le go biletša bagolo ba Israele, le go Farao. Hlokamelang moprofeta yo wa modiši, bjale. O file, ka mehla, baporofeta ba Gagwe, leswao la ka godimo ga tlhago, go hlatsela gore e be e le Modimo ka go bona; ka gore fao go ka se kgone go ba bogona

bja Modimo ntle le dilo tša kagodimogatlhago di diregago. Ga se nke Jehofa a tsoge a bonagala ntle le tša kagodimogatlhago go Mo latela. Go swanetše go ba. Kafao ka mehla O hlatseditše Ŷenamong gore O be a le le baprofeta ba, ka go tiišetša se ba bego ba se profeta, ge eba e be e le go ya ka Lentšu la Gagwe.

<sup>134</sup> Bjale, la pele—la pele leswao A le filego go...modiši moprofeta yo (lebelelang), o fetoletše lepara la gagwe go sephente.

<sup>135</sup> La bobedi, seatla sa gagwe sa fetoga lephera.

<sup>136</sup> La boraro, go tšea meetse go tšwa Nokeng ya Nile ka Egepeta, le go a fetolela go madi.

<sup>137</sup> Bjale, O mo file maswao a mararo go hlatsela go Egepeta, le gape go Israele, gore o be a le Lentšu le le boletšwego la Modimo.

<sup>138</sup> Bjale, elelwang, Moshe o bileditše ka tlholong! Yeo ke nnete. A topa lešabašaba gomme a le fošetše godimo ka moyeng, gomme a re, “A matsetse a tle,” gomme matsetse a tla. O rile, “A dintšhi di tle,” gomme dintšhi tša tla. “A digwagwa di tle,” gomme digwagwa tša tla. O tlišitše ka tlholong! Bjale, motho ga a kgone go hlola, eupša e be e se motho sa mathomo. E be e le Jehofa ka go moprofeta modiši wa Gagwe! Amene!

<sup>139</sup> Šetšang! Leswao la boraro A mo filego le be le se la tswalana le mošomo wa gagwe, goba e be e le gore le be le tswalane le motho wa gagwe; leswao la gagwe la boraro. Hlokamelang, maswao a mathomo a mabedi a be a tswalana le yena, ka boyena le mošomo wa gagwe. Gomme e be e le maswao a mabedi feela ao Beibele boleLAGO gore “a bile le segalontšu.” Leswao le lengwe le be le se na le segalontšu. Eupša maswao a mabedi ao a filwego go tšwa go motho wa gagwe mong, le go batho ba gabu, a bile le digalontšu. Eupša leswao la boraro, bjale hlokamelang, le be le filwe...leswao, leswao la boraro, e be e le leswao la lehu: meetse a fetoga madi. Ge a gago—ge a gago—ge madi a gago a ka fetoga meetse, gona o tla hwa. Gomme moo go lego madi, madi a a tšhologilego, ke leswao la lehu; kafao e be e le go Farao. La boraro e be e le go fetola meetse a Nile go ya ka mading, e be e le go laetša—go laetša Molaetša wa gagwe go Farao gore Modimo wa rena ke Modimo godimo ga Nile, godimo ga modimo wa Nile. Yena ke Modimo godimo ga se sengwe le se sengwe, gomme O ya go tliša lehu go setšhaba sela. Gomme seo ke se leswao la madi le bilego. Oo, nna! Leswao la thwi la lehu: madi!

<sup>140</sup> Eupša a mangwe a mabedi a bile le digalontšu tša seprofeto. (Ke—ke—ke a holofela le a bala bjale, gare ga methaladi, se ke se boleLAGO.) Eupša maswao a mangwe a mabedi a bile le digalontšu tša seprofeto go Israele mabapi le bokamoso bja bona. (Bjale go lena bao le bego le le godimo thabeng e se kgale botelele, ge leswika le be le lahletšwe godimo.)

<sup>141</sup> Bjale, gomme go ya...o be a eya go fetola tlhago, go e dira e ba šomela. Šetšang kota, šetšang sephente, šetšang Lewatle le

Lehubedu, le e ka ba eng A e dirilego, bjale. Lebelela lerala lela la modiši le dira tsela go bona go ya. Lepara lela le bego le le ka seatleng sa modiši, le fetile ka thoko nthatana ye nngwe le ye nngwe ya thutamodimo le dilo tšohle baprista ba di boletšego, gomme lepara lela la modiši le ba hlahlile thwi go theoga go kgabola selo se sengwe le se sengwe sa go se kgonagale (go motho). Ge Farao a lekile go nagana gore “diphororokgolo di thuntše godimo ka dithabeng gomme tša tšholla meetse, ka gona tša a dira gore a fetoge madi,” ka gona Modimo a neša mollo go tšwa legodimong. Gomme O nešitše sefako go tšwa legodimong, gomme O—gomme O nešeditše dinta godimo ga lefase, le se sengwe le se sengwe.

<sup>142</sup> O dirile eng? Ka lepara lela la modiši, e sego pu—pu pukungwalwa, e sego kgopolo ya moithutamodimo, eupša lepara la modiši! Re tla go yona mo motsotsong; lepara la modiši, O e dirile. E sego pu—pu puku ya thapelo ya kerekeleina, eupša lepara la modiši. Lepara la modiši le hlahlala dinku tša gagwe, le dira tsela go hlaka ge di be di eya go leba Lentšu la tshepišo ka nageng. A selo se sebotse e lego sona lehono sa Lepara la Modiši, lehono, a hlahlala dinku tša Gagwe go ya Nageng ya Tshepišo; go feta ka thoko thutamodimo yohle le se sengwe le se sengwe gape sa lefase le, le dilo tša lefase, le dikerekemaina, se sengwe le se sengwe; go bula tsela godimo, le go netefatša Lentšu la Gagwe go ba Therešo; Lepara la Modiši le eya pele.

<sup>143</sup> Gomme hlokamelang, lepara lela la modiši la go swana leo le bego le hlahlala dinku... A le dumela seo? Ka nnete o be a hlahlala dinku, o di lokolotše go tšwa Egepete ka lepara lela ka seatleng sa gagwe. Re ka bolela kudu ka yona. Eupša go betha mabalankwe, o hlahlile dinku le go romela kahlolo godimo ga go E gana! Lepara la go swana leo le bilego tšhegofatšo go yo motee, le fetogile thogako go ba bangwe. Meetse a go swana (a theroy ya Noage) ao a mo pholositišego, a ahlotše lefase. Lepara la go swana leo le etilegopele Israele go ya nageng ya tshepišo, le ahlotše bale ba gannego go latela moprofeta modiši. Yeo ke nnete, eba lepara la kahlolo.

Tlhago; hlokamelang ka fao Modimo a bolelagoo ka go tlhago ya Gagwe. Ge re ka be re bile le nako. Ke ngwadile mnoutou fao: Modimo a bolela ka tlhagong ya Gagwe. Ga re na le nako ya go e netefatša.

<sup>144</sup> Eupša go netefatša moragorago, ka sephente ya mphiri godimo ga lerala la nku la modiši (gore o phuthetše noga ye go dikologa, ka lešokeng), ye e bolela ka poelano ya therešo e tlela bolwetši le sebe.

<sup>145</sup> Lepara lela ka bolona le fetogile sephente pele ga Farao, gomme Farao wa go swana o lekile go ekiša ka boramaletlana. Gomme kafao le boFarao ba sebjalebjale ba lehono, le baitirabadumedi, baekiši ba senama ba Molaetša, ba leka go ekiša selo sa go swana ntle le go tseba mo se tšwago gona; le

go Le lahlela ka go se sengwe sa kerekela, mola Le lokologile go tšwa go lona bjalo ka ge moyo o etšwa go topelwa godimo. Kgonthé! Eupša go leka go ekiša, go dira kekišo.

<sup>146</sup> Eupša, hlokamelang, lepara le la modiši wa go swana le ja dinoga tše dingwe. Di be di le kae tšona dinoga? Di be di le mapara mo lebatong, gomme go be go le lepara le tee feela le topilwego. “Bobedi magodimo le lefase di tla feta,” go boletše Jesu, “eupša Lentšu la Ka le ka se ke.” Go bolela ka poelano ya therešo e tlela sebe.

<sup>147</sup> Gape, bokamoso bja Israele bo neetšwe . . . gomme fale moo ke boletségo ka Israele, bjale ka moso . . . Šebale ba be ba filwe tokologo go tšwa ditlemong tša lehu ke moprefata modiši. Ba be ba ntšhitšwe ditlemong ke moprefata modiši ka lepara. Le a bona? E be e bolela ka Molokolli wa ka moso wa Israele, go tšwa lehung le hele, ka Modiši Moprefata yo re tla bolelagó ka yena.

<sup>148</sup> Bjale, go bohole bao . . . bohole bjalo ka ge re tseba Israele, ga se ba amogela Lentšu la moprefata modiši, bohole ba Israele ga se ba Le amogela. Bjale, hlokamelang, ba be ba ngongorega. “Oo,” ge a be a dira mehlolo, “o be a le moisa yo mogolo,” eupša ge go etla go Molaetša wa gagwe, “seo se be se fapaná.” Maswao ohle a magolo a latela molaetsa wo moswa o tlago. Re tseba seo. Ka lešokeng ba ngongoregile, ka lešokeng, gomme ba hwa ka dikete. Nnete, go be go se feela ba babedi ba bona bao ba kilego ba kgabola bao ba pholositswego go tšwa go milione tše pedi le seripa, ba babedi go tšwa go milione tše pedi le seripa.

<sup>149</sup> Le re, “Seo . . . Go diregile eng go bona?” Ba ile ka Gosafelego.

<sup>150</sup> “Bohole ba bona, Ngwanešu Branham?” Jesu o boletsé bjalo.

<sup>151</sup> Ba rile, “Botate wešu ba ja Manna ka lešokeng, gomme ba nwele go tšwa Leswikeng.”

<sup>152</sup> Gomme O . . . Jesu o rile, “Gomme bona, yo mongwe le yo mongwe, ba hwile,” ba arogane ka Gosafelego, le a bona, yo mongwe le yo mongwe.

<sup>153</sup> Hlokamelang ba ngongoregile ka tsela ye e filwego ke Modimo, e bile lebaka le ba hwilego. (Bjale, sekgauswi, le se hlaiwe ke ditshwao tše di se kae tša go feta.) Ba ngongoregile! Se se ba dirilego gore ba hwe ka lešokeng, ba ngongoregile ka ga tsela ye e filwego ke Modimo: ka Molaetša wa monna yo motee, moprefata, boetapele bja monna yo motee. Mpotseng ke neng Modimo a kilego a šomiša sehlopha go etapele. Le ka se se hwetše ka Beibeleng. Monna yo motee, ba . . . Lentšu le tlie go Moshe!

<sup>154</sup> Kora; bohole re a tseba gore o—o ikhweditše yenamong mmogo gomme a ngongorega ka Modimo e sego go loka, go dira selo sa go swana le seo, go dira monna yo motee ka Molaetša. O rile, “Rena bohole re ba bakethwa. Gobaneng re sa kgone go ba le

kerekeleina? Gomme gobaneng re sa kgone go ba... go bea se godimo, le go dira *se*, le go dira *sela*?”

<sup>155</sup> Modimo o boditše Moshe, “Ikaroganye wenamong go tloga go yena, Ke bile le go lekanelga yona.” Gomme elelwang, Juda o bolela selo sa go swana, ka matšatšing a mafelelo. Yeo ke nnete, “Ba senyegile ka polelo ya go ganetša ya Kora.” Gape re tseba se se diregilego go Kora le—le ka moka bao ba botšišollotšego Lentšu la Modimo le bohlale bja Modimo bja boetapele bjola bja motho o tee: yo mongwe le yo mongwe wa bona o senyegile.

<sup>156</sup> Bjale, re tla lemoga Modimo ka go modiši moprofeta, a bontsha dipeakanyo tša Gagwe tša ka moso ka go segalontšu sa leswao la go latela. Bjale, šetšang. Re a e bona *fao*, bjale a re e setšeng ka go leswao la go latela.

<sup>157</sup> Bjale, hlokamelang, o be a rometšwe go baena ba gagwe ka bokgobeng, ka tlase ga bokgoba, ka Molaetša wa go lokolla, ka leswao le filwego ke Modimo go netefatša ditleleimi tša Gagwe. Israele e ile bakeng sa Molaetša wa gagwe, ba O dumetše, yo mongwe le yo mongwe wa bona, eupša mo nakong ya mantšiboa... Ba ile bakeng sa mehlolo ya gagwe, eupša nakong ya mantšiboa ge ba... o file Molaetša wa gagwe, “O be o fapano.” Bohle ba ba sego ba dumela Molaetša woo, ba hwile. Seo ke therešo. Molaetša e be e le eng? Molaetša e be e le wa kahlolo ye e tlogo. Mo mantšiboen, mo nakong ya mantšiboa, Modimo o ile ntłe go kgabola kampa ya Israele go hwetša ge eba batho ba be ba dumetše Molaetša wa modiši moprofeta wa Gagwe; gomme bohle ba be ba se ba O dumela, ba senyegile.

<sup>158</sup> Bjale hlokamelang, re ya go e tliša godimo go Modiši yo Mogolo feela mo dinakwaneng di se kae. Le a bona? Hlokamelang bodiredi bja Modiši Moprofeta yo Mogolo. Bja mehlolo ya Gagwe, kereke ye nngwe le ye nngwe e bulegile gomme e tla Mo amogela. Ba be ba nyaka balwetši ba bona go fodišwa. Ba be ba nyaka go dira dilo tše kgolo. Botsebalegi bja Gagwe e be e le bjo bogolo. Eupša ge nako ya mantšiboa e etla, letšatši le lengwe ka morago ga ge A fetotše meetse go ba beine, gomme a fepile dikete, borotho, gomme o dirile mehlolo, O thomile go dula fase le go bolela le bona. Gomme O rile go bona, “Nna le Tate wa Ka re batee. Gobaneng le re, ‘Re bontše Tate?’”

<sup>159</sup> “Oo, ngwanešu! Monna yo o itira yenamong go lekana le Modimo?” Seo e bile bontši kudu go go naganeng ga bona ga bokerek. Eupša e be e le Therešo, O be a le! Le a bona? Eupša ge ba dirile, ba bantsi ga se ba Mo latela.

<sup>160</sup> Ka gona A retologa go dikologa gomme a re, “Ntle le ge le ka ja Nama ya Morwa wa motho, le go nwa Madi a Gagwe, ga le ne Bophelo ka go lena.”

<sup>161</sup> Bjale, o nagana eng setswerere, motho wa bohlale a ka be a se naganne? Ke a eleletša baprista ba ba bilego le Yena ka tempeleng ba be ba le kudu—ba le dihlong kudu ka—ka bona ba

Mo swere kua. "Go nagana gore monna o tla ema le go bolela selo sa go swana le seo, 'Ntle le ge lena batho le ka ja Nama ya Ka, le go nwa Madi a Ka.'" O rile, "Yo ke senwamadi sa motho, le a bona, 'Jang Nama ya Ka gomme le nwe . . .' Gobaneng, ke sejabatho. Lena batho ba go nagana gabotse le tla . . . le tla ya kgole go tloga go segaswi se sebjalo ka seo."

<sup>162</sup> Ga se nke a E hhalosa, O nno E bolela! O e dirile go ba thetša, go aroganya dinku tša Gagwe go tloga go dipudi. O e dirile go ba lahla. Gomme ga go yo a nyakilego go dirišana le Yena. Ba be ba se ne tirišano go tloga nako yeo go ya pele. Le a bona?

<sup>163</sup> Hlokamelang, ka nako ya mantšiboa, Modimo o ile ntle go kgabola dikampa gomme a bona gore ke mang yo a dumetšego. Gomme O dirile selo sa go swana ka matšatšing a Modisi yo Mogolo. Hlokamelang bodiredi bja Modisi Moprefeta yo Mogolo, eupša hlokamelang se, go badumedi ba Molaetša wa Gagwe, eupša e sego . . . Molaetša wo wa mantšiboa, ba be ba ka se O dumele. Ba be ba ka se dumele gore O be a le Modimo. Ba be ba nyaka go Mo dira monna yo mokaone. Ba be ba nyaka go Mo dira moprofeta. O be a le monna yo mokaone, gomme O be a le Moprefeta, eupša O be a feta seo. Yeo ke thuto ya tlwaelo lehono, gore "O no ba monna wa go loka, o be a le moprofeta." O be a se selo se hlaetšago Imanuele! O be a le Modimo a bonagaditšwe ka go Jesu Kriste Morwa wa Gagwe, go dira Yena le Tate batee. Seo ke sohle A kgonnego go ba.

<sup>164</sup> Sakaria 14:7, nka no bolela se, e bolela ka Dietša tša mantšiboa le Molaetša gape nakong ya bofelo. A le etše seo hloko? Ba bantši ba ba latetšego Moshe, ba bone Pilara ya Mollo ye e mo tsebagaditšego godimo ga Thaba ya Sinai. O be a pakile ka, gomme o boletše ka Pilara ye ya Mollo e le ka sethokgweng gomme e mmodiše Molaetša wo, ba bantši ba bona ga se ba O dumela. Eupša ba bantši ba ba mo latetšego go tšwa Egepeta (ba tlie godimo go tšwa lefaseng gomme ba tshetše lewatle la karogano, gomme ba ile ka lešokeng), ba bone Pilara ya Mollo ya go swana (ye a boletšego ka yona) e hlatsela modisi moprofeta yola go ba modisi wa dinku. Ba E bone, gomme ba bantši ba bona go le bjalo ga se ba E dumela morago ga ge ba E bone.

<sup>165</sup> Hlokamelang ka fao, gape, Modimo yo a sa fetogego, Modisi Moprefeta yo Mogolo, o tsere bona bao ba dutšego hleng le Yena le ka bodiredi bja Gagwe go ya Thabeng ya Mehlware; Modisi Moprefeta yo Mogolo, Yo re bolelago ka yena, Jesu. [Ga go selo go theipi—Mor.] . . . ? . . . le go kwa Tate (Pilara ya Mollo ya go swana) a Mo hlatsela, yo a hlatsetšego Moshe.

<sup>166</sup> Modimo wa go swana yo Moshe a boletšego ka yena, o tlie godimo ga Moshe le go netefatšwa ke Pilara ya Mollo gore O be a le Jehofa yo a bego a hlahla Moshe. Modimo o be a le ka go modisi moprofeta wa Gagwe.

<sup>167</sup> Šo O tsea Modiši Moprefeta yo mongwe, Moprefeta yo Mogolo, Nku ya Kgonthe, Jesu, le go tsea kgetho ya banna ba bararo, le go ba tseela godimo ntlhoreng ya Thabeng ya Mehlware, gomme fao o hlatseditše Jesu. Gomme ebile le go ikgaola Yenamong go tloga go batho ba bangwe bohole, o rile, “Yo ke Morwa moratwa wa Ka, lena ekwang Yena!” Gomme ge ba lebeletše godimo, ga se ba bone motho ge e se Jesu a nnoši. Yeo ke nnete. O be a le Yena. Bjale, seo se a e rum, bokgole bjo ke amegago. Le a bona?

<sup>168</sup> [Ga go selo go theipi—Mor.] . . . ? . . . [Ga go selo go theipi.] . . . ? . . . sefahlego. Moshe o be a le ka bogoneng bja Shekinah godimo ga Thaba ya Sinai. E fetotše sefahlego sa gagwe. Ge a etla fase, o ile a swanelwa ke go—go bea seširo godimo ga sefahlego sa gagwe, modiši moprefeta Moshe; yo Jehofa a bego a le ka go yena, ka karolong, feela karolo, sefahlego sa gagwe. O be a ne Lentšu ka molomong wa gagwe.

<sup>169</sup> Eupša elang hloko ge Modiši yo Mogolo a be a le ka bogoneng bja Shekinah. E dirile eng? E fetotše sefahlego ka moka sa Gagwe. O be a sa no ba karolo ya Modimo, O be a le tšohle tša Modimo! O be a le Imanuele.

Gobaneng e ile ya swanela go ba badiši?

<sup>170</sup> Lebelelang! Le a bona, bjale, Modimo Ramaatlakamoka o hlapeditše . . . a itshwantsha ka Boyena, ke ra gore, ka go Moshe modiši moprefeta. Šetšang ka fao Modimo a itirilego Yenamong go tsebjia. (Ye ke tshwayo ya ka ya mafelelo.) Bonang yena, a eme a tloditše ka bogoneng bja Pilara ya Mollo! Ga go yo motee godimo ga thaba le gatee eupša Moshe le Jehofa. Amene! Amene! e ra gore “a go be bjalo.”

<sup>171</sup> Šetšang! “Bea seatla sa gago ka lehwafeng la gago!” Eupša, šetšang leswao le la bobedi bjale ka segalontšu. “Bea seatla sa gago ka lehwafeng.” Ga re ne lebaka go dumela gore Moshe o be a le wa seatla sa nngele, kafao o swanetše go be a beile seatla sa gagwe se setona ka lehwafeng la gagwe, gobane monna bontši o ne letsogo se setona. O beile seatla sa gagwe se setona . . . Bjale šetšang! A seswantšho re se bonago fa, sa Jehofa ka go Moshe modiši moprefeta! Moshe o emetše Modimo, ka gore Modimo o be a le ka go Moshe. Mo šetšeng a bea sa gagwe . . . “Seatla ka lehwafeng la gago.” A leswao!

<sup>172</sup> Bjale, šole o eme, a swere seatla sa gagwe se setona godimo ga pelo ya gagwe (a eme ka mokgwa *wo*) moo diphiri tše di utilwego tša topollo di bego di utilwe ge e sa le go tloga motheong wa lefase. Šefa gobaneng badiši. Jesu ke seatla se setona sa Modimo, bohole re a tseba. Moshe šole o Mo swantsha tlwa. O swere diphiri tša Tate, gomme o re laeditše tšona. Hlokamelang, mo šetšeng a goga go tšwa sehubeng sa gagwe seatla se setona sa gagwe se rathilwe ka lephera le le bolayago. Go laeditše se Modimo a bego a tla se dira ka Seatla sa Gagwe se Setona. Elang hloko, lephera

ga le na le kalafi. Hlokamelang, gape, e be e sa no ba lephera la go tlwaelega, le be le le ka legatong la lona la mafelelo, le lešweu bjalo ka leswele; seatla sa gagwe se iteilwe ke selo sa go befa. Ka fao Moshe a swanetšego go be a ikwetše ge a gogile seatla sa gagwe se setona go tšwa godimo ga pelo ya gagwe, go tšwa sehubeng sa gagwe, gomme seatla sa gagwe sa itiwa ka lephera! Lephera le swantšha sebe, ga le fole, gomme gagolo ka go legato la lona la mafelelo.

<sup>173</sup> Gomme, baena, fao ke mo lefase le bego le le gona ge Modimo a gogile Seatla sa Gagwe se Setona go tšwa sehubeng sa Gagwe! Lefase le ile la itiwa ka lephera le le bolayago, gomme ga go na le kalafi go lona ka moka. Go bjalo bošegong bjo, ka baka la gore ba ka se amogele sehlare. Sehlare se dirilwe kua Khalibari, eupša batho ba nyaka go tsea taelotšhomiso ye e itšego ya madirwakemotho sebakeng sa taelotšhomiso ya Modimo ya sebe.

<sup>174</sup> Hlokamelang ka go iketla ga se ya ke ya tla pele, bjalo ka ge e le ka mokgwa wa lephera le dira, eupša gateetee! Ge a gogile seatla sa gagwe, se be se iteilwe, se be se tletše lephera. Elang hloko se Modimo a se boletšego, “Bjale, le ka se ke la hlehlela sebeng ka go iketla; eupša letšatši le le jago fao, letšatši leo le a hwa.” Gomme yeo ke nnete, “Letšatši le le jago go lona.”

<sup>175</sup> Hlokamelang, e be e le moporofeta modiši yo a iteilego ka boyena. O tšere, ka taelo ya Modimo, gomme a bea seatla sa gagwe mong ka lehwafeng la gagwe, gomme a se gogela ntle a itiwa ka lephera. Moporfeta modiši o e dirile Yenamong. Gomme Moporfeta Modiši yo Mogolo, Jesu, o e dirile Yenamong, “Ke bea bophelo bja Ka fase, ga go motho a bo tšeago go tloga go Nna.” O be a le Modiši yo Mogolo, Moporfeta Modiši yo Mogolo, “Ga go motho a bo tšeago go tloga go Nna, Ke e dira ka Nnamong.” Hlokamelang ga se ya tla ka go iketla, e tlie ka motsotsa. Modiši yo Mogolo, Yenamong, o tšere molato wa rena gomme a itshetla Yenamong, o tšere dibe tša rena gomme a di bea godimo ga Gagwemong. Ga go makatše moreti a ngwadile:

Kgatheng ga maswika a go phesuga le  
mafaufau a swiswalago,  
Mophološi wa ka o inamišitše hlogo ya Gagwe  
gomme a hwa;  
Seširo se se bullegile se utollotše tsela  
Go mathabo a Legodimo le letšatši la go se fele.

<sup>176</sup> Sephiri sela se be se le ka difarong tša Modimo mengwaga ye ka moka, se apešitšwe ke seatla sa Gagwe se setona, Jesu. Modiši yo Mogolo o tšere godimo ga Gagwemong molato wa rena. Jesaya 53:6, e rile, “O gobaditšwe ka baka la dikarogo tša rena. O tlapirigantšwe ka baka la bokgopo bja rena. Kotlo ya khutšo ya rena e be e le godimo ga Gagwe. Gomme ka megogoma ya Gagwe re a fodišwa.” Sephiri sa phodišo ya Modimo se beilwe difarong tša Jesu Kriste, goba Modimo, O be a le ka seatleng se setona

sa Modimo, yeo ke Nku e nnoši yeo e swerego ka sehubeng sa Gagwe sephiri. Ke ka baka leo ke morithipele wa Yona o bego o swanetše go ba nku ka mehla! Ya pele e be e le nku, ya mafelelo e be e le Nku. Ke ka baka leo E ilego ya swanelala go tla go modiši, go tseba mokgwa wa go hlokomela Dinku tša gagwe. Le a E hwetša? Hlokamelang, “O gobaditšwe ka baka la dikarogo tša rena, o tlapirogantšwe ka baka la bokgopo bja rena, kotlo ya khutšo ya rena godimo ga Gagwe.”

<sup>177</sup> Hlokamelang, e tlide ka pela; gomme e tlogile ka pela, ga go ka pela letsogo le letona le gogilwe go tšwa sehubeng lekga la bobedi. Bolwetsi bja go bolaya bo be bo ile, ge a bo gogile lekga la bobedi. Gomme ge Modiši yo Mogolo, Nku Mopropeta, ge A rile... Godimo ga sefapano sa Khalibari, ge A lefile kotlo ya sebe bakeng sa rena bohole, O rile, “Go fedile.” Sebe se be se fedile, kotlo e be e patetšwe, dikoloto di be di rumilwe! Ga se go tšee ngwaga, goba mafelelong go tla ka go ona mo matšatšing a mompshafatsi tsoko yo mongwe goba se sengwe, go fedile thwi nako yeo!

<sup>178</sup> Sebe se tlide ka nakwana, ka karogo go Molao wa Modimo, ka go roba Lentšu le tee. Bošegong bjo, baena ba ka, soulo ya gago e godimo ga hele go ketane. Gomme ketane yela ga se thuto tsoko ya seminari ya thutamodimo, ketane yeo ga se kerekeleina ye e itšego goba thutotumelo ye e itšego ye o phelago ka yona, ketane yeo ke Lentšu la Modimo! Jesu o file moloko wa batho Lentšu la Gagwe go phela ka lona, gomme Efa o robile feela makopano a mannyane a Lona. Gomme... ketane e ka ba efe ga se ya tia kudu go feta makopano a yona a go fokolafokodi. Ge o tloša Lentšu le tee... Leo e bile la pele la Puku.

Jesu o tlide bogareng bja Puku, gomme o rile, “Motho a ka se phele ka borotho feela, eupša ka Lentšu le lengwe le le lengwe leo le tšwilego molomong wa Modimo.” Bjoo e be e le bogare bja Puku.

Mafelelong a Puku, O rile, “Mang kapa mang a tla tlošago Lentšu le tee (go fetolela ka phošo Lentšu le tee), go tloša Lentšu le tee go tšwa Fa, Ke tla tloša karolo ya gagwe go tšwa Pukung ya Bophelo.” O feta godimo ga hele, o lekeletše godimo ga Lentšu la Modimo. O se dumelele yo mongwe go pitlaganya se sengwe ka go wena seo e sego O RIALO MORENA!

<sup>179</sup> Oo, ke bona... Gabotse, ba re, “Ka kgontha, tšohle re di dirilego. Tšohle re di dirilego!” Seo ke se mohlomongwe baprista ba bagolo le bona ba se gopotšego ka matšatšing a Modiši yo Mogolo. Seo ke se Efa a se nagannego. Seo ke se Sathane a mmoditšego, “Ka kgontha Modimo a ka se ke.” Eupša O dirile, gobane O rile O tla dira. Gomme ke ka lebakala leo A tla e dirago gape lehono.

<sup>180</sup> Ga go makatše, bjalo ka ge A boletše, “Bjalo ka ge go bile matšatšing a Noage, fao disoulo tše seswai di pholositswego, ka

meetse, go tla ba bjalo ka go tleng ga Morwa wa motho.” Le a bona, ba ba sego nene kudu, “Ka gore kgoro ke ya meetse, gomme tsela ke ye tshese ye e išago Bophelong, gomme go tla ba ba sego nene bao ba tlago go E hwetša.” Seo ke therešo. “Gobane tsela ke ye e phatlaletšego ye e išago tshenyegong, ba bantsi ba tla ya ka yona.”

<sup>181</sup> Ge Modiši yo Mogolo a bethilwe, Nku Moprefeta yo Mogolo, ge A bethilwe morago kua, O rile, “Go fedile!” Gomme motsotswo, ka pela ge Modiši yo a iteilwe, go be go fedile. Sebe se rarolotšwe, go be go se sa na le sebe. Ba be ba hlwekile, kotlo e be e patetšwe. Badumedi bao maina a bona a ngwadilwego ka go Puku ya Bophelo, ba kgethetšwegopele go tloga motheong wa lefase, go be go fedile wona motsotswo Jesu a rilego go fedile. Yena, Modiši yo Mogolo yola, o be a tletše dinku tša Gagwe. Go be go fedile, seatla sa Modimo se setona se be se tlošitšwe sefegeng sa Gagwe, se iteilwe. Ka gona ka Paseka O se bušitše (amene), a se phagamišetša gape go sehuba sa Gagwe, le go se otlollela fase go wena le nna, ka sebopego sa Lentšu la Gagwe, go re lopollela morago go serapa sa setlogo se se re tšerego go tšwa go sona. Sephiri se se utilwego sa pelo ya Gagwe ye kgolo se utollotšwe ke Moprefeta Modiši. Se utollotšwe ke Modiši, Modiši Moprefeta.

<sup>182</sup> Ga go makatše dithaba di tabogile le go goeleta ka letšatši leo. Ga go makatše letšatši le utile sefahlego sa lona gomme la goeletša ka lethabo. Ga go makatše tlhago yohle e lokologile; phefo e šikintše mehlare go fihlela e šikintše le go šikinyega, le go thaba, le go taboga. Ba bone Moprefeta Modiši, godimo ga thaba, a lopolla leina le lengwe le le lengwe godimo ga Puku ya Bophelo. Gomme ba bone gore tlhago ya bona beng e lopolotšwe! Ba goeleditše, le go taboga. Gomme lefase le ile ka go tšišinyego ya lefase. Gomme dithaba di phatlogile, gomme maswika a wa. Gomme letšatši le ile fase. Gomme—gomme se sengwe le se sengwe se diregile. Boka kopano e ka ba efe, ge Modiši a utolla go lena gore “go fedile!” Fao . . .

<sup>183</sup> Ke bone mantladima a go taboga, le mantladima a lethabo, eupša go be go se motho a gobetšego. Dithaba di šoporogana, gomme di . . . letšatši le ile fase, gomme se sengwe le se sengwe se diregile, eupša go be go se yo a gobetšego. Gomme ke bone dikopano moo maatla a Modimo a utolotšwego go batho gore ba “be ba lokologile go tšwa lefaseng le dilo tša lefase,” gomme thabo ya Morena ya tlala phuthego. Ba eme le go golola, le go lla, le go goeleta go ntlhora ya segalontšu sa bona, bakeng sa letago la Modimo. Ga se nke ka tsoge ka bona e ka ba eng kgahlanong, ka mehla ba be ba nepile lenaneong; gobane ba be ba lemogile gore, leina la bona le be le ngwadilwe godimo ga Puku ya Kwana ya Bophelo pele ga motheo wa lefase. Moprefeta Modiši yo mogolo o be a ba tlišeditše Molaeša, gomme ba be ba lokolotšwe, Moprefeta Modiši. Ga go kgathale se dikgao tše dingwe tša bokerekdi se boletšego ka Lona, ba tsebile se se

diregilego. Feela bjalo ka ge bona badiši ba dirile morago kua, ba tsebile se se diregilego.

<sup>184</sup> Ga go motho a nago le tokelo go tsena tesekeng ye kgethwa go rera Lentšu go fihla a dirile bjalo ka ge Moshe a dirile, a kopana le Modimo, ka boyena, godimo ga mabala moo go sego mothutamodimo a ka kgonago go Le hlatholla go tloga. Moshe o be a le fao! Ga go kgathale ka fao batseta ba Israele ba rilego, “oo, e be e le ditšiebadimo, o nno akanya o bone se; ke ditšiebadimo,” o be o ka se kgone go tloša Leo go yena, o tsebile! O be a le fao! O be a le yena e diregilego go yena! Gomme ga go motho ka gra—gra grata ya thutamodimo goba grata ya bongaka tsoko a nago tokelo ka morago ga phuluphithi, go tteleima Molaetša wa Jesu Kriste, go fihla la mathomo a kopana le Modimo sefahlego ka sefahlego ka go Pilara ya Mollo. Ga a ne tokelo go ipitša motseta yenamong, gobane baithutamodimo bohole lefaseng ba ka se kgone go hlaloša Seo go tloga go lena. E diregile go wena! O be o le fao, o tseba ka Yona. Ga ke kgathale se e ka ba mang gape a se bolelago, goba ba ka bolela bontši gakaakang, “matšatši a ile, ga go bjalo,” wena... e diregile go wena, gomme ke go ya ka Lentšu.

<sup>185</sup> Ee, ke ka baka leo Moshe a tsebilego Segalontšu se se boletšego le yena, e be e le Lentšu Segalontšu. O tsebile gore Modimo o be a boditše Abraham, “Peu ya gago e tla diilela lebaka la mengwaga ye makgolonne, eupša Ke tla ba lokolla.” Gomme o tsebile mengwaga ye makgolonne e be e fedile gomme o be a bileditšwe go e dira.

<sup>186</sup> Monna le basadi, Modimo o tshepišitše ka go matšatši a a mafelelo gore O tla tšollela ntle Moya wa Gagwe godimo ga nama yohle. O tshepišitše O tla romela Kolobetšo ya Moya wo Mokgethwa, gomme O tla bitša Monyalwa ntle le sepatso le lengalatsepa. O tshepišitše go e dira, O tla e dira. Le se ke la theetša badiši ba ba go rekwa, ba tla le hlahlathiša. Moya wo Mokgethwa ke Modiši go go fepa ka dijo tša dinku go tšwa go Lentšu le. Ka mehla e tla ka Modiši. Yena ke Modiši wa rena. Mo theetšeng, le dinku tša lešaka la Gagwe; ge le le, le kwa Segalontšu sa Gagwe. E sego se yo mongwe gape a se bolelago, le kwa se A se bolelago. Lentšu la go se tlwaelege, ga le tsebe selo ka lona.

<sup>187</sup> Oo, nna, theetšang moprofeta yo maatla gape, a hlatholla le go tsebagatša go bona, Johane (ge a eme ka nokeng ya Jorodane), lebelelang se a se boletšego (o be a eme kua, a rera), o rile, “Iri e etla...”

<sup>188</sup> Hlokamelang, Johane o be a le morwa wa moprista. Ka mehla ba latetše mo—mo mothalo wa tatago bona, ke ka tsela yeo re nago le maina a rena. Ka e ka ba eng ba e dirilego, ba ba biditše yeo. Gomme Johane o be a swanetše go ba moprista boka tatagwe.

<sup>189</sup> Gomme, le a tseba, mmagwe, ge a imilwe, morago ga ge Morongwa wa Morena a kopane le tatagwe Sakaria, gomme o ile gae go Elisabetha, gomme o be a šetše a le dikgwedi tše tshela ka . . . go ba mme. Eupša o be a se na le bophelo nako yeo, o be a tšhogile ka baka la gore lesea le be le se la šišinyega. Seo ke go se phelege.

<sup>190</sup> Gomme Moya wo Mokgethwa, Morongwa wa Morena o bonagetše go Maria, le go mmotša gore o be a “eya go ba le lesea, a sa tsebe monna,” le go mmotša ka seemo sa Elisabetha.

<sup>191</sup> O ile godimo ga dithaba tša Judea, go botša Elisabetha. Gomme ge a kopane le Elisabetha, o mmoditše gore o “be a eya go ba mme.” Gomme o be a sa kgone go e kwešiša, “a sa tsebe monna.” Eupša o rile, “Moya wo Mokgethwa o nkalametše, le go bolela gore selo se Sekgethwa se seo se tla tswalwago ke nna se tla bitšwa ‘Morwa wa Modimo,’ gomme ke tla bitša Leina la Gagwe ‘Jesu.’” Gomme lekga la mathomo ge leina Jesu le kilego la ke la bolelwa ka go dipounama tša motho, lesea le lennyane le le hwilego, ka popelong ya mmago lona, le tabogile ka lethabo le go goelela; gomme la taboga ka popelong ya mme, gomme be le sešo la amogela bophelo.

<sup>192</sup> Leina la Jesu Kriste le boletše bophelo ka go lesea le le hwilego. E swanetše go dira eng ka kerekeng ye e tleleimago go tswalwa gape?

<sup>193</sup> Gomme re dutše bodila bjalo ka makonko godimo ga motoro, le go tlogela dilo tše bjalo go ya pele. Gomme le boifa go phagama le go paka phenyego ya lena, le go ahlola ditšiebadimo tšohle tše, go dira Jesu Kriste wa go swana maabane, lehono, le go ya go ile. Ke nako ya Krisemose, go tšwela ntle boSanta Clause le dilo, kgole le ditšiebadimo tšela tša kgwebo. E ka ba kae le kwelego ka ga Santa Claus ka Beibeleng? Ke nonwane ya Roma, fao ga go selo go yona le gatee, fao ga go selo se se bjalo. Le se ke la ruta bana ba lena ditšiebadimo tše bjalo ka tše. Ge letšatši le lengwe o tla swanelo go mmotša gore yohle e be e le kanegelo ya sefofu, gona o boletše maaka go ngwana wa gago. Gomme e tla gobatša bopaki bja gago ka Jesu Kriste, o tla re, “Mohlomongwe Ke selo sa go swana.” Bea Jesu Kriste moprofeta yo Mogolo wa Modishi morago ka go Krisemose moo E lego ya gona.

<sup>194</sup> Hlokamelang, theetšang moprofeta yo, Johane, ge a eme fale. Bohle re a tseba gore o be a le moprofeta yo mogolo wa modishi. Bjale, o be a na le molaetše, Morongwa o be a tseba gore o be a eya go tsebiša Jesu.

<sup>195</sup> Bjale, o be a ka se kgone go ya seminaring tsoko. Ba tla re, “Bjale, o a tseba gore Ngaka *Semangmang* e no ba monna go tše lefelo bjale. O swanetše go mo tsebiša. Gomme o a tseba seo feela . . .” Le a bona, ga se a ke a hlakahlakana le motho.

<sup>196</sup> Ka bogolo bja mengwaga ye senyane, re a botšwa, o ile ka lešokeng go lokiša pele ga Modimo. Ke moo badiši ba

tšwago gona. Hlokamelang molaetša wa gagwe o be o sa swane le mothutamodimo, ka a mangwe a magolo, a magolo a go kokomoga mantšu a grata. O rile, “Oo, lena moloko wa dinoga.” A botša monna wa bodumedi, “Lena sehlopha sa dinoga.” Seo ke se a se bonego ka lešokeng, o bone nogar. Selo sa fasefase a kgonnego go se hwetša e be e le nogar, gomme o ba buditše baprista le banna ba baruti le baithutamodimo ba letšatši leo, “Sehlopha sa dinoga!” O rile, “Ke mang a le seboditšego go tšwa bogaleng bjo bo tlago? Le se ke la thoma go re, ‘Ke rena ba *ye*, gomme ke rena ba *yela*,’ gobane ke re go lena gore Modimo o kgona ka matlapa a go tsošetša Abraham bana.” Matlapa, se a se bonego ka lešokeng. “Gape, selepe se beilwe modung wa mehlare.” Seo ke se a bego a se bona: dinoga, mehlare, lešoka. Gomme, le a bona, woo e be e le molaetša wa gagwe. O be a sa tsebe mantšu a magolo a go kokomoga a ngaka tsoko ye kgolo ya bokgethwa (a ka kgona go E hlatholla yohle go tlaga), o nno rera tlwa mothalo wa tlhago.

<sup>197</sup> Seo ke se re se bontšhago fa: lepara la modiši, modiši, dinku, mothalo wa tlhago.

<sup>198</sup> O dirile eng? O bile le selo se segolo go dira, o bile yena yoo a tla tsebago Mesia. O rile, “Ke re, ‘O eme fa magareng ga lena bjale. Gomme ga le Mo tsebe, gobane thutamodimo ya lena e le tlemile, ga le tsebe moo le lego.’”

<sup>199</sup> Letšatši le lengwe Jesu a tla a sepelela ntle, o rile, “Bonang, fao go tla Kwana ya Modimo ye e tlošago sebe sa lefase.” Kwana! Haleluya! Poelano ya nneta! Fao go tla se nku ye nngwe le ye nngwe go tšwa serapeng sa Edene tlase e se okamilego, Monna wa mehleng a sepela go theogela nokeng.

<sup>200</sup> Ba rile, “Johane, o E tsebile bjang? Ga se ke bone selo se tee go fapano.”

<sup>201</sup> “Eupša ke bea bohlatse, ke bone Moya wa Modimo o theoga boka leeba, gomme Segalontšu se re, ‘Yo ke Morwa Moratwa wa Ka Yo Ke kgahlwago ke go dula ka go yena.’”

<sup>202</sup> Šetšang Leeba le Kwana. Le a bona? Ya. Go ka reng ge nkabe e be e le... go ka reng ge nkabe e be e le se sangwe... Go ka reng ge nkabe e be e le phiri e eme kua? Gabotse, Kwana yela e be e ka se kgone go be e ile godimo... goba Leeba lela... Modimo o itsebagaditše Yenamong le leeba, ye boleta kudukudu go dinonyana tšohle tša legodimo; Morwa wa Gagwe ka nku, ye boleta kudukudu go diphoofolo tšohle lefaseng. Le a bona, nonyana ya go hlweka ya magodimong, e sego legokubu; e sego lenong, eupša leeba. E sego kolobe, eupša kwana. Tlhago ye nngwe le ye nngwe e ka be e se ya hlakana mmogo.

<sup>203</sup> Gomme hlokamelang ge Leeba le etla godimo ga Kwana, Le Mo hlahlile. E sego ka tsela ye A bego a tla dira, eupša ka tsela ye Tate a bego a tla Mo etapele. Yeo ke tsela ye kwana ya kgonthe e lego lehono. O dinku tša nako ya Krisemose, a ga le tsebe gore

Modimo o eta pele feela ka Lentšu la Gagwe? Leo ke lepara la Gagwe.

<sup>204</sup> Hlokamelang ga se gona se ka bego se diregile, eupša Johane o rile, "Ka moka ga bona ga se ba O bona, eupša ke bea bohlatse, 'Ke O bone.'" Go tsebišwa: "Bonang, Kwana ya Modimo ye e tlošago dibe tša lefase."

<sup>205</sup> Anke bjale ke tsebiše Molaetša wa ka wa Krisemose, gomme ge ke sa tswalela bjale: "Jesu Kriste, wa go swana maabane, lehono, le go ya go ile." Ke Kwana yela ya go swana. O no ba bontši Kwana lehono bjalo ka ge A bile nako yela. O no ba kudu mo go swana le ge A be a le kua, ka gore Lentšu la Gagwe le a swana. "Kae kapa kae mo ba babedi goba ba bararo ba kgobokanego Leineng la Ka, fao Ke gona magareng ga bona." Seo ke tlwa se A se boletšego. Yena ga a tsoge a fetoga, Yena ke Modimo Lentšu. Yena ga a tsoge a fetoga; o sa neela dinku tša Gagwe, le go di fepa ka Moprefeta Wa Gagwe wa Modiši, dijo tša Gagwe tša dinku pele. E segó go mothutamodimo; go dinku tša Gagwe.

<sup>206</sup> Ba ka se...Ba ka kgona bjang bona ba bangwe go E ja. Eupša ba bohlale...Hlokamelang se! Eupša ba bohlale le bahlalefi, ba katišitšwego gabotse ba lefase, ba sa hlologelwa go re go na le Santa Claus. Gomme go na le mehuta yohle ya nonwane le dilo tšebo ba di rapelago, gobane ba ka se Mo amogele, Lentšu; gobane ka dikerekengmaina tša bona, ga E swanele tatso ya bona, badiši ba go hirwa ba letšatši. Bahirwa go tšwa go thutotumelo, ye e tla nyakago go go kopanya ka tlase ga pudi e tee, o se e dumele! Ba tla go hlahlela go selagapane. Ekwa Modiši yo Mogolo yo a tswetšego mengwaga ye makgolo a lesomesenyane ya go feta, kgwedi ye. Nako ye nngwe ntłe mošola, ka go Molaetša wa Gagwe, go tla badiši ba therešo bao ba tsebilego ba hlokomele dinku bjang.

<sup>207</sup> Hlokamelang, ba sa e kganyoga. Ba ka se O amogele lehono, go no swana le ge ba se ba dira nako yela, gobane ga o swanele tatso ya bona ya bodumedi. Ba retolla Lentšu lela go dikologa le go le dira le be go swanela mokgatlo wa bona, gomme ba ka se rere Lentšu. Ba ka se ke! Ba re, "Gabotse, seo e be e le matšatši a baapostola. Ga e re se." Go ra feela tlwa se O se bolelago, ga O nyake motho go...?...O hlathollele bona.

<sup>208</sup> Bjale anke ka iring ye re inamišeng dihlogo tša rena le dipelo go leba lerweleng la lefase, le go hlaganelka lebelo ka kgonthé go legopo, go bona le go amogela Seetša seo Lentšu le le se tlišago ka Modiši: Moprefeta yo Mogolo Modiši, Jesu Kriste Morwa wa Modimo. Ke boletše le lena ka botelele. Mohlomongwe ga se ka lokiša mantšu a ka boka banna ba baruti ba swanetše, ga ke leke go dira seo. Ke leka go Le bolela feela boka A mpho Lona.

<sup>209</sup> Eupša, a le bona gobaneng e swanetše go ba badiši? Ba bangwe ba be ba katišitšwe kudu ka go kgopoloye nngwe go

fihla ba sa E amogele. Gomme lehono re na le mehuta yohle ya baokamedi, monna wa selete, dipišopo, baprista, dikhadinale, bomopapa, se sengwe le se sengwe lefaseng, go leka go re hlahla. Eupša Modimo o re fa Modiši, gomme Modiši yoo ke Moya wo Mokgethwa.

<sup>210</sup> Ntheetšeng bjale. “Ge A . . .” (e sego kgopolu, Yena ke lešalašala) “Ge Yena Moya wo Mokgethwa a tlie (Moya wa Therešo), O tla utolla dilo tše go lena tše Ke di boletšego go lena, gomme o tla le bontšha dilo tše di tlago.” Yoo ke Modiši yo Mogolo, Yoo ke Modiši Jesu a šetšego. Gomme Moya wo Mokgethwa o ngwadile Beibebe, Beibebe e boletše bjalo, “Monna wa kgale, o sepedišwa ke Moya wo Mokgethwa, o ngwadile Lentšu.” Bjale, a Moya wo Mokgethwa o ka kgona go go gogela go thutotumelo? A O ka kgona go go gogela—gogela go se sengwe se Lentšu le le sa se bolelego? Gobaneng, go tla ba go se kgonege ka go felela. Moya wo Mokgethwa o tla ba moaketši ge A boletše gore “Se ke se o swanetšego go se dira,” gomme morago wa retologa gomme wa re, “Aowa, E be e le phošo, gomme le dira se kereke e rego dirang.”

<sup>211</sup> Bjale, ge o be o theeditše se sengwe, se sengwe se go gogile go tloga go wa kgonthe, Modiši wa therešo yoo a tla go hlahlelagu go Lentšu, Moya wo Mokgethwa, gomme ga o ne boitemogelo, gomme o se be le bohlatse bja Moya wo Mokgethwa ka bophelong bja gago, bjo bo se nago . . .

<sup>212</sup> Modimo ke o Tee. Modimo ke yena a nnoši a nago le Bophelo bjo Bosafelego, gomme Yena ke Bophelo bjo Bosafelego. Gomme eng kapa eng ye e bilego le mathomo e na le mafelelo. Gomme ge o no ba leloko la kereke, go bile le mathomo. Eupša Lentšu la Modimo ga le na mathomo, Modimo ga a na . . . Gomme ge o tswetšwe ke Modimo, o tswetšwe ke Lentšu, gona o ba morwa wa Modimo, gomme leina la gago le beilwe Pukung ya Kwana ya Bophelo pele ga motheo wa lefase. Gomme lena, mmala wa moriri le nago le wona, mahlo a mmala le nago nao, seemo se o lego ka go sona, Modimo o go bone pele ga motheo wa lefase. Gomme O go bone, motho, boka o le. Gomme le ge fao go etla mengwaga ye milione bjale, fao ga go selo se ka kgonago go go thibela go tla morago go sa go phethagala seswantšho se Modimo a go beetšego sona mathomong, “Dinku tša Ka di kwa Segalontšu sa Ka, yo šele di ka se mo latele.”

<sup>213</sup> Gomme ge o se wa amogela Bophelo bjo Bosafelego bjoo, bošegong bjo, gomme o lebeletše go ka—ka—ka kanegelo ye e sego ya nnete ya lesea le lennyane le robetše ka go—ka—ka legopong, le sehlopha sa banna ba bohlale tikologong, le se dumele dilo tše bjalo ka tše. Gomme go leka go nagana, “Gabotse, ke tla loka. Gomme ke tla dira se. Gomme ke tla tšoena kereke. Gomme seo ke sohle ke hlokago go se dira.” O lahlegile. Ge o se ne Bophelo bjo Bosafelego, o ka tsoge wa phela bjang neng le neng?

<sup>214</sup> O ka kgona go tšea thoro ya lebele, ga ke kgathale e lebega go phethagala bjang, o ka kgona go nga- . . . Saense e tšweleditše e tee, gore o ka kgona go e ripa go bulega: e ne mohuta wa go swana wa monola, mohuta wa go swana wa pelo, materiale wa go swana wo thoro ye e godilego go tšwa tšhemong e nago le wona, selo sa go swana. O ka kgona go di bea ka laborating, gomme o ka se kgone go bolela e tee go tšwa go ye nngwe: e tee e tla no dira botse bja borotho bja mabele bjalo ka ye mongwe, e tee e tla dira mohuta wa go swana wa magogo a lehea. Eupša tsela e nnoši o ka kgonago go ba botša, ke go di boloka. E tee ye monna a e dirilego, e dula fao, e a bola gomme ga e tle godimo. Eupša ye Modimo a e dirilego, e na le hlako ya bophelo, e phela gape.

<sup>215</sup> O ka no ekiša Mokriste, o ka no ya kerekeng go swana le Mokriste, o ka no bea leina la gago godimo ga puku bjalo ka Mokriste, o ka no tšoena kerekeleina bjalo ka Mokriste; seo se tla loka, eupša ntle le ge Bophelo bjola Bosafelego bo le ka go lena gore Modisi yola yo Mokaone o file Bophelo bja Gagwe bakeng sa, go aroganya . . . Ge Modimo a tlie tlase ka Pentecost, O tlie fase ka polo ya mollo boka A dirile godimo ga Thaba ya Sinai, boka A dirile go modiši wa pele, Moshe. Gomme ge A etla fase, O ikarogantše Yenamong ka maleme a mollo ao a dutšego godimo ga yo mongwe le yo mongwe wa bona, Modimo a ikaroganya Yenamong ka go batho ba Gagwe. Gomme ntle le ge le amogetše seo . . . Petro o boletše gore “Ke go lena, le go bana ba lena, go bona kgolekgole.”

<sup>216</sup> Bagwera, le se ke la theetša nonwane ye e itšego ya thutabomodimo, le tswalweng gape. Gomme ge le le, Moya woo o lego ka go lena ke karolo ya Modimo, le dihlatse go Lentšu le lengwe le le lengwe la Modimo go beng “Therešo.” Ge o se na le boitemogelo bjoo, a re itlhaganeleng bjale go ya legopong, Lentšu. A re itlhaganeleng go Beibele, kgole go tloga go dikereke tše tša go kgabišwa ka thutamodimo, go ya go legopo la kgonthe, go Lentšu la Modimo moo Mesia a dirilwego go tsebjia.

Ka dihlogo tša rena di inamišitšwe, a re rapeleng.

<sup>217</sup> Morategi Modimo, seo ke sohle ke tsebago go se bolela ka nako ye. Re batamela Krisemose, mekgotha e pitlagane ka banna le basadi, bašemanle le basetsana, ba kgorometša, ba šušula, go leka go reka mpho go bušetša go yo mongwe yo a tla ba fago ka go swana. Batho ba bantsi ba ba ipitsago Bakriste bonabeng ba ntle mekgotheng ba reka disekerete, bjala, bakeng sa dimpho tša Krisemose. Modimo, go lebega o ka re ba e lahlela thwi morago ka sefahlegong sa Gago, ba ruta bana ba bona ka maaka tsoko, a Roma, thutamodimo ya bohetene ya Mokgethwa Nicholas, nonwane tsoko ye bonolo ye e amogelegago gabonolo ke lefase, gomme ba gana Kriste wa kgonthe wa Krisemose, Kwana ya kgonthe.

<sup>218</sup> Modimo, ke a rapela, bošegong bjo, gore bjalo ka ge re ne dihlogo tša rena di retologetše tlase go leba lerweleng

leo O re ntšhitšego go lona,... O boditše Abraham gatee, modiši yo mogolo moprofeta, "Eya ntle, Abraham, gomme bale mašabašaba ao a lego godimo ga leši la lewatle."

<sup>219</sup> Gomme o bušitše lentšu, "Ga a balege, ga ke kgone go a bala."

<sup>220</sup> Ka gona O rile, "Lebelela godimo go leba magodimong, gomme o bale dinaledi." Gomme o tsebile gore seo se be se sa kgonege. Gomme O rile go yena, "Peu ya gago e tla ba bjalo." Re lebelela molaetša wola go moprofeta yola wa modiši, "go tloga go lerole la lefase, go ya go dinaledi tša legodimo," gore le ge go na le lehu ka mebeleng ya rena ya go hwa go re iša leroleng, go na le Bophelo bjo bo ka re tsošetsago dinaleding.

<sup>221</sup> Bjalo ka ge O boletše go moprofeta yo mogolo wa Gago Daniele, "Gomme bao ba tsebago Modimo wa bona, ka matšatšing a mafelelo, ba tla dira tše kgolo. Gomme bao ba bušeditšego ba bantši go lokeng ba tla phadima go phala dinaledi go ya go ile le go ya go ile."

<sup>222</sup> Morena Modimo, Mohlodi yo Mogolo, Yo a bego a rata kudu go tla lefaseng ka sebopego sa Jesu, go dira motho go tseba se Modimo a bego a le sona. Gomme O be o le Yena a nnoši yo a kgonnego go tšeа kotlo ya lehu, ga go Morongwa, ga go kemedi e ka kgonago go e dira. O bile Yena yo a beilego kotlo, gomme Wena o nnoši o ka e tlošago ka toka. Gomme go beng Moya, O ka se hwe. Eupša O dirilwe nama gore O kgone go hwa; le go ba Kwana gore O kgone go tloša sebe sa Balopollwa ba Gago, bao O ile wa swanela go ba lopolla ka Madi a Gago Mong.

<sup>223</sup> Oo, kanegelo ke ye kgolo kudu, Morena, e ya godimo ga hlogo ya ba bantši kudu. Go nagana: "Jehofa yo monnyane, a robetše ka legopong, O ile a swanela go phela boka lesea. Jehofa yo monnyane, a belegwe ka setaleng. Jehofa yo monnyane, a bapala le bana mo mokgotheng. Jehofa yo monnyane, motšwamahlahlagading. Jehofa yo monnyane, mošemane wa sekolo. Gomme Jehofa, Yo Maatla." O tšere mafelo a ohle. "Gomme gona, Jehofa, Kwana. Jehofa, Moprofeta." Gomme O ba sohle se gore O ke o tlaišege kotlo ya sebe, le go re fa Bophelo bjo Bosafelego.

<sup>224</sup> Re lebalele, O Modimo, rena, tša go šokiša, dibopiwa tša go hloka maswanedi tša lefase le. Re gobošitšwe bošegong bjo, Morena, ge re bala se O re diretšego, le bonnyane bjalo re dirilego go boetšeng. Ka fao O tlilego ka matšatšing a baetapele ba bagolo ba bodumedi! Ka fao O bego o rata go ema le go bonagatša Lentšu la Tate! Ka fao O sego wa itšimeletša godimo ga diteori tša bona! Gomme lehono go bonala o ka re ga go yo motee yo a nyakago go ema ntle le go bitša Lentšu go le bjalo "Lentšu," gomme e sego go itšimeletša. Re a rapela, Modimo, O re lebalela bakeng sa dilo tše re di hlokomologilego bjalo. Gomme re fe bošegong bjo, ka dipelong tša rena, bjalo ka ge re Go fa bjalo ka

legopo. Gomme re a tseba gore nako le nako ge Mmapolwa Kriste a amogelwa, go na le tswalo ye mpsha, go na le nku ye mpsha ye e tswetšwego, go ne go opelwa Legodimong ka Barongwa. Godimo ga modiradibe yo motee yo a sokologago, Barongwa ba opela gape.

<sup>225</sup> Re a rapela, Modimo, gore ge go ka ba ba bangwe mo bošegong bjo ba sa Go tsebego bjalo ka Mpho ya kgontha ya Modimo, bjalo ka Mophološi wa sebele, e sego feela ka kgopoloo ya monagano, eupša ka tswalo ye mpsha (ya go tswalwa ke Moya wa Gago), anke ba Le amogele feela bjale, Morena, ka dihlogo tša rena di inamišitšwe. Gomme ge go ka ba o tee, Morena, yoo a sa dirago se, anke dipelo tša bona di amogele thabo bjale, le go hwetša boka badiši ba kgale, ka legopong la pelo ya bona, Lentšu, Mesia; yo a tla hlatselwago go bona bjalo ka Moya wo Mokgethwa, Modiši yo Mogolo wa letšatši. Re kgopela se ka Leina la Jesu.

<sup>226</sup> Ge re sa ne dihlogo tša rena di inamišitšwe, gomme ke a tshepa dipelo tša rena di inamišitšwe, a o ka—a o ka, ngwanešu morategi wa ka, le ge o le leloko la kereke... Gomme ke a holofela gore ga se ka go gobatša ka go bolela se ke se boletšego. Ke... Go lokile go ba wa kereke, re swanetše go dira seo, eupša, O ngwanešu, no se amogele seo feela, o swanetše go tswalwa gape. Seo ke se Modiši yo Mogolo wa Moprefeta a se boletšego, "O swanetše go tswalwa gape." O boletše seo go mothutamodimo, "O swanetše go tswalwa gape."

<sup>227</sup> Gomme ge o tswetšwe gape, e no se be ka gobane o a dumela. Ba re, "O tswetšwe ge o dumela."

<sup>228</sup> Eupša Beibele e rile, "Diabolo o a dumela, le yena." Bjale, hlokomelang, ga se seo, ke boitemogelo.

<sup>229</sup> O re, "Gabotse, ke phetše bophelo bjo bobotse."

<sup>230</sup> Le baapostola ba dirile bjalo, eupša ga se ba tswalwa gape go fihla ba amogetše Moya wo Mokgethwa. Ebile ba be ba se ba sokologa go fihla ba amogetše Moya wo Mokgethwa. Le elelwa bošego pele ga go eka... goba godimo ga go eka, feela pele ga go eka go direga? Jesu o rile go Simone Petro, "Ge o sokologile, gona tiša baena ba gago." Gomme Petro o Mo latetše lebaka la mengwaga ye meraro le seripa, gomme o leleketshe bodiabolo ntle, le go fodisa balwetsi, o rerile Ebangedi, gomme go le bjalo (go ya ka Lentšu) ebile o be a se a sokologa.

<sup>231</sup> Bjale, a o ka nyaka mohuta woo wa—wa Motseta ka pelong ya gago bošegong bjo? Ge—ge ka kgontha o nyaka Yeo... Ga e dire phapano e ka ba efe se yo mongwe gape a se bolelagoo, Ke therešo, ngwanešu, kgaetsedi. Ke tseba seo go ba therešo. A le ka, ge hlogo ye nngwe le ye nngwe e inamišitšwe gomme leihlo le lengwe le le lengwe le pontšwe, e sego go nna, ke no ba motho, ngwaneno, eupša go Kriste o tla phagamiša seatla sa gago, o re, "Ke dumela Seo. Gomme ka kgontha ke nyaka

Kriste yoo ka pelong ya ka, Kriste wa kgonthe wa Krisemose"? A o ka phagamišetša seatla sa gago godimo bjale? Modimo a le šegofatše. Seo se lokile. Modimo a le šegofatše, le lena. Modimo a le šegofatše. Nna, diatla mogohle.

<sup>232</sup> Anke e direge, ngwanešu; anke e direge, kgaetšedi; anke e direge, mogwera wa ka; tlatšwa ka Moya wa Modimo. E dira phapano efe se yo mongwe gape a se bolelago? Elelwang, ke bophelo bja gago. Ebile re ka no se be lefaseng mo mosong, ga re ne—ne tiišetšo ya bophelo gape go feta bjo re nago le mohemo ka dinkong tša rena bjale. Re ka no se tsoge ra dira mohemo wo mongwe, feela mogau wa Modimo. Gomme ke botse bofe e bo dirago, ga go kgathale o phetše gabotse bjang le eng...? Jesu o rile, "Ntle le ge motho a ka tswalwa gape, a ka se tsene ka gare."

<sup>233</sup> Bjale, ke a tseba *mareo a* se go tswalwa gape go lego, eupša a re nong go šetša se se diregilego ka Beibeleng ge ba be ba tswalwa gape. Petro o be a le modumedi, baapostola ba be ba le modumedi, eupša ba be ba se ba tswalwa gape go fihla ka morago ga ge Moya wo Mokgethwa o wetše godimo ga bona ka Pentecost. Bjale, ba be ba makala go diregile eng, gomme Petro o rile, le ka moka ga bona, "Lena monna wa Israele, a se se tsebje go lena; Jesu wa Natsaretha, monna yo a netefaditšwego ke Modimo magareng ga lena ka maswao le mehlolo le dimaka, tše Modimo a di dirilego ka Yena; Yo a tsebetšwegopele, ka khantsele ye e hlaioletšwego le mo tšere ka diatla tše mpe le go mmapola, Yo Modimo a mo tsošitšego gomme re dihlatse tša Gagwe. O tšholotše pele se seo le se bonago le go se kwa bjale, gomme ke go ya ka Mangwalo."

<sup>234</sup> Gomme ka gona, ge ba kwele se, ba ile ba hlabega ka pelong ya bona, gomme ba rile, "Monna le baena, re ka dira eng go phološwa?"

<sup>235</sup> Petro o rile go bona, "Sokologang!"

<sup>236</sup> Bjale, mogwera wa ka wa Mokatoliki a dutšego fa, yo ke tsebago ka ga ba bane goba ba bahlano ba lena le dutšego fa. Ke be ke ahlaahla se le moprista wa lena, mohlomongwe e sego moprista *wa lena*, eupša yo mongwe wa baprista ba Katoliki, o rile, "Jesu o file kereke maatla go tloša dibe, 'Mang kapa mang le mo tlošago dibe, go bona di tlošitšwe; mang kapa mang le swarago dibe tša bona, go bona di swerwe.'" Yeo ke therešo. Eupša a re šetšeng ka fao a e dirilego, ka fao baapostola ba latetšego lenaneo la Gagwe, e sego go ya ka tsela yeo—yeo moprista a dirago lehono.

<sup>237</sup> Eupša moprista wa pele o dirile eng, ge o nyaka go mmitša seo, Petro, yo a swerego dikgonyo tša Mmušo, o rile e direng bjang? O rile, "Sokologang, yo mongwe le yo mongwe wa lena, gomme le kolobetšwe Leineng la Jesu Kriste bakeng sa tebalelo ya dibe, gomme le tla amogela neo ya Moya wo Mokgethwa. Ka gobane tshepišo ke ya lena, le bana ba lena, le go bona ba ba

lego kgole, le ba bantsi ba Morena Modimo wa rena a tlaggo go ba bitša.” Gomme ge Modimo a sa bitša, boitemogelo bjo bo swanago ke bja gago ge o ka latela taelotšhomiso ye e swanago. Ge phuthego ye e dumela Leo, ka dihlogo tša lena di inamisitšwe, e reng, “Amene.” [Phuthego e re, “Amene.”—Mor.] Gona, e ka ba eng e hlaetsago Leo e kgahlanong le Lentšu, gomme e sego go ya ka Modisi.

<sup>238</sup> Morena Jesu, ba ka diatleng tša Gago bjale. Ke a rapela gore pelo ye nngwe le ye nngwe ye e bulegilego bošegong bjo yeo e se nago Kriste, Mesia (gomme Kriste ke Lentšu, Lentšu le le tloditswego le dirilwe go bonagala), gomme ge go na le dipelo tše di bulegilego mo bošegong bjo tše di se nago Mesia yola, Mpho ya kgonthe ya Krisemose, Mpho ya kgonthe e nnoši ya Krisemose e lego gona, yeo Modimo a filego lefase, gomme a E bega go lefase ka badiši, ya Kwana ya Gagwe, Poelano ya sebe, gomme ge pelo yeo e bulegilego bošegong bjo, bea ka go yona, Morena, Lentšu la Mesia la lehono. Re ba neela go Wena Leineng la Jesu Kriste, Morwa wa Gago. Amene.

<sup>239</sup> A le a Mo rata? A le a Mo dumela? “Nyakang pele Mmušo wa Modimo, le toko ya Gagwe, dilo tše dingwe tšohle di tla oketšwa go lena.”

<sup>240</sup> Bagwera, pele re phatlalala, ke nyaka go bolela se. Makga a mantši, ga ke kwešišwe kudu. Ke na le Molaetša go tšwa go Modimo, gomme ke swanetše go bega Molaetša woo go sa kgathale. Ke a tseba O kwešišeditšwethoko. Ge O be o se, gona O ka se be Molaetša wa Modimo; O ka se kgone go ba. Go na le ditsinkelo tše dintši kudu lehono go Wona go se kwešišwe. Ke a dumela gore Modimo o na le motho ka go kerekeleina ye nngwe le ye nngwe le mokgatlo wa lefase, gomme ga se gore ke kgahlanong le baena ba ka. Ke tla mo Tucson, mengwaga ye meraro ya go feta, gomme ke bile le kopano le lena badiredi godimo ga Ngwanešu Gilmore, gomme go botšišitšwe, a ke “tlile mo go thoma kereke?”

<sup>241</sup> Ke rile, “Aowa, mohlomphegi. Ke tlide mo go go *le* thuša.” Eupša ga se ka botšišwa le bjale, ka mengwaga ye meraro. Eupša go no swana, ke mo go le thuša. Ke mo go tšoena diatla le lena, e sego go tšoena mekgatlo le lena, eupša go tšoena diatla le pelo le lena godimo ga Lentšu la Modimo, go leka go rera Ebangedi go soulo ye nngwe le ye nngwe ye e lahlegilego le motho yo mongwe le yo mongwe yo a hlokago yo a lego ka tlase ga modumo wa digalontšu tša rena.

<sup>242</sup> Ke neela bonna go Modimo, bošegong bjo, ka pelo ya ka ka moka, le ka moka tše di lego ka go nna. Ga ke na le bontši kudu go fa; Nka se kgone go tliša setlolo, seorelo, le gauta, gobane ga ke natšo. Eupša tšohle ke nago natšo ka go nnamong tše Modimo a mphago, bophelo bjo, ke e gafela go Yena ka boswa bošegong bjo, godimo ga legopo la Lentšu la Gagwe ka pelong ya ka; le go Mo tshepiša, go ema le Lentšu lela, ge A ka ntumelela go phela

ngwaga wo mongwe, feela go botega ka mo nka kgonago go ema; go rera nthatana ye nngwe le ye nngwe ya Lona, le go dumela nthatana ye nngwe le ye nngwe ya Lona; kafao, nthuše, Modimo. A o tla dira go swana ka nna?

<sup>243</sup> Re amogele, Morena. Re amogela Mpho ya Gago ya Krisemose, Mesia, Lentšu le le tloditšwego leo le hlatselago Bogona bja Gago le rena, Morena, go sa kgathale ka thutotumelo goba kerekeleina. Re hwetša, renabeng lehono, lefase le šwalalana, gomme Mesia yo mogolo šo o eme ka diatla tša Gagwe di phurollotšwe: Jesu Kriste wa go swana maabane, lehono, le go ya go ile, yoo a dirilego ditshepišo, gore mo matšatšing a a mafelelo, kereke e tla kgatlofatšwa kudu go fihla e tla ya ka go Laodikia. Gomme re a e bona lehono, Morena.

<sup>244</sup> Re ka kgona go dira eng, morategi Modimo? Nka kgona go dira eng? Nthuše le badiši ba bangwe ba, Morena, go dikologa lefase, badiši ba Lentšu, go E kwalakwatsa, Morena, ka go ngwaga wo o latelago. Re thuše, Morena, re a rapela. Re fe Lerato la Gago le Moya wa Gago le Seetša sa Gago. Re gafela renabeng bošegong bjo go Lentšu la Gago le go pitšo ya Gago. Leineng la Jesu Kriste, re amogela Mpho ya Gago ya Krisemose: Lentšu la Modimo le dirilwe nama ka go rena. Amene.

<sup>245</sup> Ke rata dipina tša kereke. Paulo o rile, ka Beibeleng, “Ge ke opetše, ke opetše ka Moya. Ke a rera, ke rera ka Moya. Ge ke . . . e ka ba eng ke e dirago, ke e dira yohle Leineng la Jesu Kriste.” Bjale, ka gore Wo o be o le go ngangega go lena . . . Gomme ke—ke a le leboga. Ke tla ka Molaetša wo. Nako ye nngwe go bonala o ka re ke no hloya go O bolela, eupša e fela ke—ke tlametswe ke mošomo, baena. Ge ke sa e dire, ke nna moikaketši. Ge ke sa e dire, ke nna moeki go letswalo la ka mong, le tumelo ya ka mong—mong ka go Lentšu la Modimo. Ke swanetše go e dira, e sego go fapano, eupša go ba therešo go pitšo ya ka. Gomme ke nyaka go le thuša bohole, ke nyaka go dira se sengwe le se sengwe ke se kgonago.

<sup>246</sup> Bjale a re opeleleng ye nngwe ya dipina tše kgolo tša dinako tšohle, ke e rata gabotse kudu, *Ke A Mo Rata*. Le a tseba, ke a dumela ge bohole re ka no Mo rata, re tla dira se A re kgopetšego go se dira. “Le Mpitše bjang, ‘Morena,’ gomme le sa dire dilo Ke le laelago go di dira? Le Mpitše bjang, ‘Morena,’ gomme ka gona la se dire se Ke le boditšego go se dira?”

<sup>247</sup> A bokaone le ka theetša modiši yo a thwetšwego yo a ka rego “beang leina la lena pukung, gomme le tšoene; tšea selalelo se, bolela se, gomme go lokile,” ge Modiši yo Mogolo Yenamong a rile “ntle le ge motho a tswalwa gape a ka se kgone ebile go bona Mušo wa Legodimo”?

<sup>248</sup> Gomme lebelelang baithutamodimo bale ba katišitšwego ba letšatši lela, ba katišitšwego! Bokgethwa? Bophelo bja go hlweka? Ga re ne selo go bapetša le yona lehono, ka tsela ye

ba phetšego. Gomme Modiši yo Mogolo o ba biditše eng? O rile, “Ke lena ba tataweno diabolo,” gobane ga se ba . . . Ba lemogile Lentšu, eupša Lentšu la letšatši le lengwe, e sego Lentšu la letšatši *leo*.

<sup>249</sup> Ge ba lemogile nako ya Noage, seo se lokile, yeo e be e le nako ya Noage; eupša e be e ka se šome ka nakong ya Moshe. Gomme nako ya Moshe e be e ka se šome ka nakong ya Kriste. Le a bona? Nako ya Luther e ka se šome ka nakong ya Wesley. Nako ya Wesley e ka se šome ka nakong ya Pentecostal. Gomme Pentecost e dirile selo sa go swana ka moka ga bona ba se dirilego. Bjale, ke mang a mphilego thušo ka matšatsing a a fetilego? O le kgopetše.

<sup>250</sup> Ge tsebjana ya bjang e etla godimo, ke eng? Eng . . . ge tsebjana ya korong e etla godimo. Jesu o rile, “Ntle le ge thoro ya korong e wela ka lefaseng.” Go direga eng ge lebele la korong . . . goba korong e wela ka lefaseng? Selo sa pele se se tlago godimo ke tsebjana ye nnyane. Ga—ga e swane le thoro ye e ilego ka gare. Šetšang tlhago. Ga e swane le thoro ye e ilego ka gare, eupša ke serwadi sa Bophelo bja thoro. Go tlide eng . . .

<sup>251</sup> Mohlokamodimo yola a nnogo go ngwala puku yela ya go tuma, *Modimo Wa Go Homola*, e rile, “Go kgonega bjang go ba Modimo yo a kgonnego go bula Lewatle le Lehubedu, le go ema go kgabola mengwaga ye sekete ya mabaka a leswiswi le go bona bana ba bannyane ba lewa ke ditau, le batho ba lekeleditšwe difapanong, le go bolawa ka go diarena le dilo, gomme ga se nke ebile a bula molomo wa Gagwe?” Le a bona, Lentšu ke kutollo.

<sup>252</sup> Korong yela, ge korong yela ya kgonthe e thomile mo mathomong, e šitile Modimo. Gomme mafelelong fao gwa tla Korong, sebonagatši sa nnete sa Modimo, seo sa go bonagatša Lentšu la Gagwe lohole kudu go fihla A be a le Lentšu. Ka gona Modimo o Mo file Monyalwa ka Pentecost; eupša Monyalwa yola o wetše ka mobung go kgabola mabaka a leswiswi, feela boka korong ya kgonthe e dirile, E rothetše ka gare. Gomme gobaneng e sa kgone go dira? Ka baka la gore le be le utilwe ka tlase ga lefase, le be le swanetše go bola pele le ka kgona go tliša bophelo pele.

<sup>253</sup> Eupša fao go tlide moprista yo monnyane nako ye nngwe, ka leina la Martin Luther, gomme o taboštše pele Lentšu le tee la Therešo: “Moloki o tla phela ka tumelo,” fao gwa tla tsebjana; morago lehlare le lengwe le e latetše, Zwingli, gomme morago go tla Calvin le Knox le go ya pele go theoga.

<sup>254</sup> Selo sa pele le a tseba, le fetotše tsebjana ya lona, le ile ka go lenono. Bjale, seo se bonagetše nthatana gannyane bontši boka sona, eupša go le bjalo e be e se selo sa kgonthe se se ilego ka mobung, fao go tlide Wesley mmogo. Go tšwa go Wesley go tlide kereke ya Methodist, go tšwa go kereke ya Methodist go tlide Nazarene, United Brethren, go ya pele. E dirile eng? E wetše

morago gape gomme ya tšweletša, e lebega bjalo ka thoro ya kgonthe ya korong bjale, Pentecost.

<sup>255</sup> Bjale, šetšang Jesu, ka go Mateo 24:24, “Ka letšatšing la mafelelo, meboya ye mebedi e tla batamelana kudu mmogo go fihla e tla fora le bona Bakgethiwa, ge go be go kgonega.” Bjale, ge thoro yela ya korong e etla pele, setsebi sa korong se sengwe le se sengwe se a tseba gore seo se lebega go phethagala, thoro ya korong. Eupša o dula fase gomme wa e tsea ka seatleng sa gago, wa e bula. Fao ga go korong ka go yona, ke mooko. Eupša moragorago ka morago, ka tlase ga maekorosekoupo o kgona go bona lehlogedi le lennyane la nthatana, fao go tla thoro. Gomme ka gona mooko woo o dira eng? Ke go šireletša thoro, letšatši la go fiša le tla e bolaya, e šireletša thoro go fihla thoro e godile. Gomme ka gona ge thoro e gola, mooko o goga go tloga go yona. Eupša, a le etše hloko, thoro yela nako yeo ye e tloga pele, e swanetše go ba mohuta wa go swana wa thoro wo o ilego ka mobung.

<sup>256</sup> Ka morago ga tsošeletšo ya Luther, gwa tla mokgatlo. Ka morago ga tsošeletšo ya Wesley, gwa tla mokgatlo. Ka morago ga Alexander Smith, John... Alexander Campbell, John Smith, bohole ka moka ga bona, go tlide mokgatlo. Ka morago ga Pentecost, thwi go theoga go swana le selo sa kgonthe, eupša e tlide mokgatlo. E dirile eng? E gogetše morago.

<sup>257</sup> Re bile le mengwaga ye lesometlhano ya tsošeletšo, ga se ya ke ya tsebja ka go histori yohle. Gomme šetšang, ka go tsošeletšo ye ya mengwaga ye lesometlhano, E swiela go dikologa lefase, gomme ga go mokgatlo o tee o agilwego go tšwa go Yona. E be e le kae Yona? (E thomile kgogolamoko, e hwile ka go ya yona... ka pejana, e hwile.) Fao go be go se mokgatlo wo o latelago Wo. Ka baka la eng? Ke thoro ka Boyona, fao go ka se sa ba gape. Gomme mooko bjale o gogela kgole, ga go tirišano, ga go yo a go nyakago. Gobaneng e le? E swanetše go ba Seo.

<sup>258</sup> Gobaneng kereke yela e be e dutše fale? Go E thekga. Moo... Ke mang a ka bego a ile a dirišana? Se Baptist, goba Presbyterian, goba Lutheran e ka bego e ile ya thekga lesolo la phodišo Kgethwa? Bjale ge Therešo e etla pele, go direga eng? E sego mooko; eupša Bophelo bo ya thwi ntle go tšwa go mooko, thwi go ya ka go thoro, Bophelo bja therešo bja nnete. Mokgatlo o eme fale, o a hwa, feela boka o dirile ka go lebaka le lengwe le le lengwe, o dira go swana. O tšwa go seo, mengwaga ye masometlhano ya go feta, gomme o ile thwi morago ka go yona gape! Eupša Bophelo bja kgonthe bo latela thoro, re mo nakong ya bofelo, baena.

<sup>259</sup> E ile ya gogela kgole eng? Gore e tle e tliše thoro ka bogoneng bja Morwa, go buduša thoro go go butšwa ga gauta bakeng sa Mong. Gobaneng e gogetše kgole? Kafao, e hlola mahloko a pelo, dikeledi, tšebo sa di beego pele ga l-e-t-š-a-t-š-i, eupša M-o-r-w-a, go budušwa go Ebangedi ya therešo ya go

tlala, go bonagatša se sengwe le se sengwe seo Jesu Kriste a se tshepišitšego ka Beibeleng. Fao go tsošetša Mmele godimo lehono magareng ga batho. Gomme fao go ka se sa ba mekgatlo, e ya thwi ntle ka go Laodikia ya go huma. Mokgatlo o atlegile ka eng? Dimilione tša ditolara, le dimilione tša disoulo.

<sup>260</sup> Gomme Modisi o be a etšwa kae? Go lokolla baena ba Gagwe go tšwa ditlemong. Ga—ga ke tsebe; Modimo, eba le rena, re thuše. Ithuteng Lentšu! Phetlang Mangwalo! Ka go Wona re nagana gore re na le Bophelo bjo Bosafelego, gomme ke Wona A pakago ka Therešo. Le a bona, Modimo o abile Mantšu a Gagwe go lebaka le lengwe le le lengwe. Lebaka le ka mehla . . .

<sup>261</sup> Jesu o boletše eng ge A etla? O rile go bona batho, “Lena baikaketši! Le šweufatša maboto, le go aga mabitla bakeng sa baprofeta, gomme botataweno ba ba beile ka fale. Gomme le barwa ba botataweno. Gomme mediro ye ba e dirilego, le tla e dira le lena.” E dula e le ya go swana, baena ba ka.

<sup>262</sup> Eupša ge Jesu a etla letšatši le lengwe, Modisi yo Mogolo wa dinku go tšwa Pentecost go kgabola Luther go kgabola mabaka ohle, yo a amogetšego Seetša ge Se etla ka dirwadi (e sego go amogela serwadi, o amogetše Seetša; le a bona, o ile ntle), O tla tla go lopolla. Ke thabile kudu gore ke a tseba O etla gape. Oo, a o tla balwa le seholpha sa Gagwe? A o tla balwa? Go ne tsela e tee feelsa go e dira, e sego ka go tšoena kereke, eupša ka go tswalelwka go Yena. “Gomme bohole Tate a Mphilego, ba tla tla go Nna, gomme ga go motho a ka tlago ntle le ge Tate wa Ka a mmitša.” Le a bona, seo ke sohle se lego go yona, go E amogela. O . . . Yeo ke Mpho ya Krisemose e nnoši ke tsebago ka yona, ke mpho ya Modimo ye A e filego lefase, Morwa motswalwanosi wa Gagwe. Gomme O a swana, maabane, lehono, le go ya go ile, Lentšu. Le a bona? Mo dumele ka go letšatši le, bottlalo bja Beibele.

<sup>263</sup> Ge diphiri tše šupa tše . . . Morago go kgabola Mabaka a Šupa ao a Kereke, fao go be go le diphiri tše šupa tše di utilwego. Ke ngwala puku ya Yona. Gomme moithutamodimo yo mogolo o rile go nna e sego telele go fetile, o rile, “Ngwanešu Branham . . .” Le bona ka fao Sathane a tla lekago go go hlothola go tloga tseleng? O rile, “Ngwanešu Branham, o a tseba ke eng? Ke a dumela Morena o tla utolla go wena se re tla se dirago go latela. Ke go . . . e tla ba sephiri tsoko se segolo seo se utilwego ka tlase ga Mahuto a Šupago a.”

<sup>264</sup> Ke rile, “Aowa, yeo ga se yona, ngwanešu.”

<sup>265</sup> O rile, “E tla ba se sengwe seo ebile se sa ngwalwago ka go Lentšu.”

<sup>266</sup> Ke rile, “Aowa! Aowa! O a lebala, ‘Mang kapa mang a ka oketšago lentšu le tee, goba go tloša Lentšu le tee.’” Le a bona, E šetše e le ka fale, eupša bumpshafatši ba šitilwe go E bona, ga se ba phela botelele go lekanelo go E bona.

<sup>267</sup> Gomme mabaka a fedile bjale, re thwi mo ka Laodikia. Gomme elelwang, lebaka la Laodikia, O be a le ka ntle ga kereke, a kokota, a leka go tsena ka gare: Efa o beile Adama wa gagwe ntle. Modimo, re thuše. A re yeng mošola wa kampa go Mo hwetša. A re tlaišegeng ka ntle ga dikgoro le Yena. A re yeng go Yena ka lehung la Gagwe, ka go poloko ya Gagwe, le ka go tsogo ya Gagwe; ka gore O a swana maabane, lehono, le go ya go ile.

<sup>268</sup> A re opeleng pina e tee pele re tloga. A le tla? *Ke A Mo Rata*. A o ka re fa sekgyonyo, kgaetšedi? Ke ba bakae ba tsebago sefela sa kgale? Ke... Ge o kile wa ba ka dikopanong, ke a se rata.

<sup>269</sup> Bjale a re nong go tswalela mahlo a renā, naganang ka Jehofa. Ga go yo motee a bego a ne maswanedi, ga go yo motee a bego a ka kgona go e dira eupša Yena. Gomme A tla tlase, gomme a ba lesea le lennyane. A tla, motšwamahlalagading. A ba mmetli, monna wa go šoma. O bile Kwana, O bile sehlabelo. O tsogile ka go fenza, Jehofa. Gomme bjalo ka ge Moshe a gogile seatla sa gagwe go tloga sehubeng sa gagwe go tloga godimo pelong ya gagwe, Modimo o gogile seatla sa Gagwe go tloga sehubeng sa Gagwe (sephiri sa Gagwe) Morwa wa Gagwe yo a rathilwego ka bolwetši bja sebe, bo sa folego; gomme a Se hломela morago ka lehwafeng gape, gomme a Se gogela pele gomme a Se katološetša go wena le nna: “Jesu Kriste wa go swana maabane, lehono, le go ya go ile.”

<sup>270</sup> Mo lebeleleng bjale.

Ke a Mo rata, ke a Mo rata  
Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>271</sup> Ke ba bakae ba tsebago e swanetše go ba modiši, e reng “Amene.” [Phuthego e re, “Amene.”—Mor.] Go swanetše! Gobaneng modiši? Go swanetše go ba. Bjale ge re sa opela temana ya go swana godimo gape, obeletša go kgabaganya tafola. Fao go Methodist, Baptist, Lutheran, Presbyterian, Katoliki, le ka moka, ba dutše ka mo bošegong bjo. Šikinya diatla, o re, “Moeti mmogo, ke thakgetše kudu go ba fa le wena, bošegong bjo.” Bolela se sengwe go bona. E re, “Modimo a go šegofatše,” ge re Šikinya diatla le renā seng bjale. Ge re e opela gape bjale.

Ke...  
[Lefelo la go se be le selo godimo ga  
theipi—Mor.]  
...phološo ya ka  
Godimo ga mohlare wa Khalibari.

<sup>272</sup> Bjale a re tswaleleng mahlo a renā le go phagamiša diatla tša renā, le go Mo opelela.

Ke a Go rata, ke a Go rata  
 Gobane O nthatile pele  
 Gomme a lefela phološo ya ka  
 Godimo ga mohlare wa Khalibari.

<sup>273</sup> Gomme bjale, Modimo ga a na le sebopego. Kafao, a re inamišeng dihlogo tša rena le go e hama bjale, boka bana ba bannyane, le bana ba Modimo. Le se ke la lebelela se lefase le ka se naganago, le a rapela bjale, le rapela Kriste. E no inamišang dihlogo tša lena le go e hama. [Ngwanešu Branham le phuthego ba hama *Ke a Mo rata*—Mor.]

<sup>274</sup> A ga le ikwele le pitletšwe ntle ka mokgwa woo? Feela mohuta wa go... se sengwe se no fogohletša pelaelo yohle le lefase kgole go tloga go wena? O ikwela ka tsela yeo? Phagamišetša diatla tša gago godimo, “Ke no ikwela ke pitletšwe ntle. Ke ikwela go fapano. Ke ikwela o ka re ke be ke eja go tšwa diatleng tša Gagwe. Ke na le...” Go swana le ngwanešu mo o pakile, “Dijo, dijo tša Modisi, dijo tša dinku.” Leo ke Lentšu.

<sup>275</sup> Dinku tša Modimo di ja Dijo tša Gagwe, “Motho a ka se phele ka borotho bo nnoši, eupša ka Lentšu le lengwe le le lengwe le tšwelego molomong wa Modimo.” Gomme le ke Lona, Beibele. Re ja go Lentšu le lengwe le le lengwe, e sego feela a mangwe a Mantšu, eupša Lentšu le lengwe le le lengwe le tšwelego. Oo, a ga e go dire o Mo rate? Go nagana gore bjale re na le Bophelo bjo Bosafelego! E sego re tla ba, *bjale* re barwa ba Modimo. E sego re tla ba, *bjale*! Gomme e dutše mmogo ka mafelong a magodimong *ka go* Kriste Jesu. Gomme thelebišene ye kgolo, ye e begago gore fao go na le lephoto la ethele ye e dirago batho (motho yo a etago go dikologa lefase) o tsebega ka—ka sekirini sa thelebišene. Lentšu le legolo la Modimo, le Moya wa Modimo o tsea Lentšu la Modimo, o bonagatša Jesu Kriste ka mafelong a magodimong go dinku tša Gagwe, gore O a swana maabane, lehono, le go ya go ile. A Yena ga a makatše? Semaka! Modimo a le šegofatše.

<sup>276</sup> Bjale a re emeng feela nakwana. A le ne yo mongwe bakeng sa tšhegofatšo? Bjale, elelwang, lebakeng la Krisemose, rapelang Morena Jesu. Mo rapeleng ka Maatla a tsogo ya Gagwe. Gomme ge nka tsoge ka ratwa go lena (lena, modiša wa lena, kereke ya lena, goba e ka ba eng), bošego ga bo tsoge bja ba leswiswi kudu, pula ga e tsoge ya na thata kudu.

<sup>277</sup> Bošego bjo bongwe (go na le mohumagadi o eme a le gona mo) Ke be ke le matasatasa kudu, ke tšere balwetsi le dilo go fihla... Go be go le mokgekolo wa masomeseswai le metšo yoo a bego a lahlegetšwe ke monagano wa gagwe, gomme o bile... o naganne ka go beng le lesea goba se sengwe, o be a tšwele monaganong wa gagwe. Gomme Billy, go tšwa ofising, o nteleditše, o rile, “Papa, a o ka kgona?”

<sup>278</sup> Ke rile, “Nka se kgone gonabjale. Go ne batho... Ke no se kgone go e dira.”

<sup>279</sup> A re, “Papa, a o ka kgona go ya thapelong? Ke tla ba botša gore o a rapela.”

<sup>280</sup> Ke rile, “Ee.” Gomme ka go yona nakwana yeo ya go swana a hlapologetšwego. O ile a robala, a tsoga ka go seemo sa gagwe sa go itekanelia; a ja sa go tlala, selalelo sa kgogo, ka go kgopoloo ya go itekanelia. Motho o be a eme mo a paka ka yona dinakwana di se kae tša go feta.

<sup>281</sup> Ngwanešu Mack, ke mmone mo lebakana la go feta, felotsoko ka kerekeng. O fa, yo mongwe wa badiša, modiša wa selegae. Ngwanešu wa go ratega kudu, gomme ka mehla ke ratile Ngwanešu Mack ge e sa le la mathomo ke thoma ka bodireding. Gomme ka gona ke kopane le yena . . .

<sup>282</sup> Gomme ke be ke le godimodimo ka British Columbia; gomme go no le laetša ka fao gore Modimo o tla šoma se sengwe le se sengwe gabotse. Ke be ke šetše ke rotogetše godimo ga pere, gomme ke be ke eya morago ka lešokeng moo ke hlahletšego sehlopha ka moka sa Maindia go Modimo; gomme bohle ba sokologile, gomme ba amogetše Jesu.

<sup>283</sup> Gomme ka seprofeto seo se boditšego mošemane wa Moindia yoo a lahlegetšwego ke pere ya gagwe, mengwaga ye mebedi ya go feta, ka mmotsa fao a bego a ka kgona go e hwetša, gore e be e tla ba bokgole bjo bokae, le fao leswiķa le bego le tla be le eme. Mmagwe a ehwa ka tlhaselo ya pelo. O fodištšwe le go phološwa. Gomme mošemane yo, a no tla kgaušwi le go e bona, le go tseba gore o . . . pere ya gagwe e hweditšwe tlwa ka tsela ye a boditšwego, le se sengwe le se sengwe.

<sup>284</sup> Ga go Lentšu le tee Morena a kilego a le bolela . . . Ke tla kgopela e ka ba mang wa lena, “A O . . . le kilego la Mo kwa a bolela e ka ba eng, gore O kile a mpotša go le botša, eupša se se tliego go phethega feela tlwa?” Če yeo e le nnete, e reng “Amene.” [Phuthego e re, “Amene.” —Mor.] Le a bona? Le a bona? Tlwa, ga se nke La šitwa nako ye nngwe.

<sup>285</sup> Gomme Ngwanešu Mack o be a robetše mo ntlheng ya lehu, gomme go diragetše go beng gore mosadimogatša wa gagwe o leleditše Billy . . . mosadi wa morwa wa ka, le go bolela . . . go botšiša moo ke bego ke le gona; mohumagadi yola yo monnyane wa go ratega le . . . mosadimogatša wa gagwe. Gomme o . . . Gomme ngwetši ya ka o rile, “O tsela ka leboa la British Columbia go ya leetong la go tsoma.”

<sup>286</sup> Gomme mosong woo, ka mokgwa wo mongwe, ke—ke—ke be ke no se kgone go namela pere yela ntle. Gomme ka gona Billy o rile, “Ke tla dumela ke tla leletša gae gatee gape.” Gomme o ile godimo go kota go letša. Gomme šeba ba tla ba kitimela morago, ge Moindia yo monnyane a eme fale, yo monnyane . . . se seo se bilego le pere, gomme o rile, “Ngwanešu Mack o robetše mo ntlheng ya lehu, gomme o a go bitša.”

<sup>287</sup> Gomme ka tloga, ka ya godimo ka dikoteng gomme ka khunama fase. Ke rile, “Morategi Modimo, tlasetlase, dimaele tše dikete tše tharo go kgabaganya naga, ka go naga ya go fiša ya Arizona, ka Tucson, ke ngwanešu wa ka, gomme o robetše mo ntlheng ya lehu. A o tla mo thuša?”

<sup>288</sup> Feela Sengwe se boletše le nna, “Tšohle di gabotse.”

<sup>289</sup> Gomme ge ke etla go Ngwanešu Mack letšatši le lengwe, go bolela le yena, gomme ke mmotsišitše, “Ke iri efe e diregilego?” e bile tlwa iri ya go swana re ilego go rapela.

<sup>290</sup> Oo, O . . . A Yena ga a makatše! O a swana maabane, lehono, le go ya go ile. Ke thabile kudu go tseba gore ke phela ka Bogoneng bja Kgoši.

<sup>291</sup> A re inamišeng dihlogo tša rena bjale, gomme ngwanešu yo monnyane yo bohlokwa o mo, ngwanešu wa moromiwa, mogwera wa ka, leloko la Assemblies of God, ngwanešu yo monnyane yo bohlokwa fa. Ke mmitša, “Creechy.” O boletše dilo tše botse bjalo. Ngwanešu Creech, ke go bitša seo. Ga ke tsebe ke reng, o ngwanešu le mohlanka mmogo wa ka ka ditlaišegong tša Jesu Kriste ka go letšatši le la mafelelo. Anke Modimo a go šegofatše. Gomme ke a nagana Ngwanešu Tony o boletše gore o be o eya go phatlalatša batheeletši ka nako ye, ge re sa inamiša dihlogo tša rena. Go lokile, etla.



*GOBANENG E ILE YA SWANELA GO BA MODIŠI* NST64-1221  
(Why It Had To Be Shepherd)

Molaetša wo ka Ngwanešu William Marrion Branham, setlogong o abilwe ka Seisimane ka Mošupologo mantšiboa, Desemere 21, 1964, go moletlo wa Full Gospel Business Men's Fellowship International ka Ramada Inn ka Tucson, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)